



05374

香齋筆集

吉生稿

道光丙午仲春

開雕

錢唐趙之幾題



Faint vertical text impressions on the left side of the page, likely bleed-through from the reverse side.

欽定四庫全書提要

龜巢集十七卷

編修注如藻家藏本

元謝應芳撰應芳有思賢錄

已著錄集一卷爲賦二卷至五卷爲詩六卷至十一卷爲雜文十二卷爲詩餘十三卷至十五卷又爲雜文十六卷十七卷又爲詩編次頗爲無緒疑後人傳寫亂其舊第抑或本爲前集十二卷後集五卷一則先詩而後文一則先文而後詩傳寫誤併爲一集故參錯如是也史稱其詩文雅麗醞藉今集中詩頗雅潔文則多應酬之作然其中如上周郎中論五事啟上奉使宣撫書與王氏諸子書上周參政正風俗書上何太守書上武進樊大尹書與林學諭請建先賢祠書皆有關於國計民生人心風俗非徒以筆墨爲物書者史稱其年益高學行益邇達官經綽過郡者必訪其廬應芳布衣章帶與之抗禮議論必關世教切民隱益不誣焉

簡明目錄

本會而集十二卷後集五卷

龜巢集十七卷元謝應芳撰其集詩後有文文後又有詩編次殊無條理疑本正續兩集傳寫者合爲一也明史稱其詩之雅麗醞藉今觀其集詩頗雅潔文則多應俗之作惟其論時事利病者多切於事理

范氏天一閣書目

龜巢摘藁三卷元毗陵謝應芳撰洪武十二年余詮序稱先生門人王著集先生之詩鈔諸梓先生摘其詩之什一與之凡若干卷名龜巢摘藁別有辨惑四卷行于世皆發先儒所未發先生名應芳字子蘭號龜巢老人故名其集爲龜巢藁云

元詩選跋

秀野草堂編錄

龜巢老人謝應芳字子蘭武進人也爲人耿介尙節義至正初江浙行省舉三衢清獻書院山長阻兵居吳之詩門轉徙吳淞江上築室松江之旁教授之暇以詩酒自娛洪武初年逾八十歸隱橫山自號龜巢老人所著

二

詩文曰龜巢藁子蘭紬繹經史作爲文章咸有根柢閩人張志道評其詩雅正純潔可與傳與礪相伯仲識者以爲名言門人王著嘗請刻其詩子蘭手摘數十篇與之曰龜巢摘藁豐城余詮范陽盧熊弁其首次子林字璿樹洪武十年以郡府所舉至京師授開封新鄭縣學教諭卒錢宗伯列朝詩集載謝璿樹詩一首入甲集云詩由朱存理鈔本其名未考想未細審邑志及余盧二公所撰序耳

明詩綜錄

小長蘆編

詩話龜巢集未鏤板予得其手鈔本一十八冊大半酬

應之作所居龜巢一在漏上一在橫山先後有記其畧云千歲之龜巢於蓮葉以葉爲巢初不費經營之力也暇與田夫野老涉桑苧之園過桃李之蹊瓦盆濁醪歌舞酬酢若曳尾泥塗者然雖巢外之樂其樂亦因巢而得也又云予所至以龜巢名室蓋不以棟宇爲巢而以天地爲巢也峻宇雕墻莫知其光華門圭竇莫知其陋誦其文可謂達觀之士矣其上饒參政啟云辭親日下捧檄浙東紛紛服州縣之勞區區益升斗之祿望蓬萊於滄海棲枳棘於慈溪謝張雲門啟云鮎上竹竿往歲之功名可笑龜巢蓮葉近年之身世如浮則嘗仕於元者也

三

按明史本傳公於元至正初郡辟教鄉校子弟江南底定始來歸居方茂山按邑志於明洪武間舉隱逸本府訓導似有不符然舊志毘陵科第考俱載宗譜亦同當附詩話後並存之蘭生識

原序

毗陵謝先生昔避地吳松之上予適自燕至吳予友涿郡劉子南氏嘗道先生姓名學行之懿予願見而未暇焉後十年識先生之仲子林於崑山則先生已歸隱於毗陵矣又十年婁東袁子英氏以先生年八十邀予賦詩爲先生壽繼又告曰先生之門人王著集先生之詩鈔諸梓先生摘其詩之什一與之凡若干卷名龜巢摘藁復徵予敘卷端又辭以未識先生又未嘗閱先生之詩集何敢率爾從命且衰退不敏又何敢贊一辭於其間哉予言又豈足爲先生軒輊哉然子南旣稱先生於前子英復頌先生於後况嘗與先生之子林連

床累日觀其從容詩禮秀拔儒林則先生之言行可知已傳曰不知其人視其友不知其父視其子又奚必識先生之面誦先生之詩哉嘗聞先生之爲人耿介尙節義與世寡合其爲詩也非有關於風教者不爲也非有得於情之正者不爲也惜先生不少試其才於時肥遯以終身焉先生有辨惑編四卷行於世間發先儒所未發其於後學豈小補哉予姑述所聞者如此先生名應芳字子蘭號龜巢云時洪武十二年歲己未前七月旣望前浙江儒學副提舉豐城始豐山人余

詮序

文章與時高下昔人有是言也有能處憂患顛沛之中不爲

外物之所搖奪形於言辭無感迫憤懣之病有異於昔人之
言者惟君子爲能之吾於子蘭先生之文見之矣先生蚤有
俊譽嘗爲李晉仲侑用中諸公所知生平重然諾勇於爲義
紬繹經史作爲文章咸有根柢與人論辯壘壘不少休在鄉
里時請復鄒忠公墓寓吳中又請作顧元公廟世俗怵於异
端邪說先生因取經傳之言作辨惑編以警之其襟度磊落
識見雅正實爲士林所推重洪武十年冬先生之子林以郡
府所舉至京師先生以書諭熊曰某有舊作學子王著欲板
刻之乃爲摘數十篇以從其請子其序之庶不爲醬蒙矣曩
先生避兵時雖漂搖逆旅中所至人欽其德望延致恐後巢

二

室松江之旁講授之暇以詩酒自娛熊托交十五六年一時
倡和若楊維禎廉夫倪瓚元鑣顧瑛仲瑛俯仰之間淪落泉
壤先生年逾八十歸隱橫山實爲後進之所景慕其著作有
不期於傳而自傳者矣吾友中書舍人閩人張至道評先生
之詩雅正純潔法度整齊可與傳與礪相伯仲識者以爲名
言熊竊窺先生養之厚氣之充言行卓卓如此蓋喜聞道之
者因以冠之篇端先生姓謝氏自號龜巢老人故名其集爲
龜巢藁云范陽盧熊序

元謝文清公龜巢全集序

謝君蘭生爲毘陵世家篤學嗜古工爲詩文典瞻豐蔚觀者驚嘆以爲得前人格律非特輩所能及一日攜巨冊高二尺許曰此先世元文清公龜巢全集也向無專刻傳鈔多訛詩文雜廁卽入

四庫貯文瀾閣者僅十七卷非足本是集自元末至今五百餘年自曾祖父求之閱四世而不可得今始獲明侍御季滄輩氏所藏凡二十卷將劖刷以貽後世之景仰先賢者曷助爲讐校余授而讀之凡詩十卷文十卷釐然不紊篇目增多君復取顧俠君元詩選及各家別本核其字句異同皆以滄

一

輩氏爲最優更探明黃中禮所刊摘藁如方竹杖諸篇又以詠梅軒家藏本村居等詩及詩餘各類爲本集所逸者補於後余更核得百餘條其所不知者仍缺之是可爲善本矣蓋嘗論之元末以詩文鳴者鐵厓倡纖譎之體玉山侈歌舞之富其他如張玉笥劉羽庭輩或羈縻於張士誠方谷珍之官職其詩亦哀艷動人而終乏醇古之趣不足以正人心厚風俗若文清公侔乎遠矣卷中忠孝節義形於詩歌而雜文如募置十七史疏身居亂世斯文賴以不墜其功尤巨此外如置延陵季子精舍及買石題唐刺史獨孤公檜皆可補明史本傳所未詳與辨惑編相表裏正不獨修顧元公祠鄒道鄉

墓作懷古思賢二錄而已至應俗諸作可考見古跡之興廢
元人之姓名毘陵志乘亦有所必采者然非君之能述祖德
數典不忘此集且就淹沒世又安能發文清公之潛德而如
親炙之乎若謝君亦可謂賢子孫矣是亦可風也已故濡筆
而爲之序

道光乙巳春正月金陵後學朱緒曾謹撰

治亂世也窮達命也處亂而自省者德也際窮而常貞者學
也從遠祖龜巢公生當元季不遇於時上無學校之興下無
醇厚之俗豈非小人道長君子道消時乎公獨學宗宋儒功

二

先慎獨兢兢焉崇德辨惑以端風化正人心引爲己責一時
薰其氣而善良者無算此真鷄鵲鶴中流柱也蘭生仰慕前
賢深於寤寐不能生其世而親炙之猶幸見其集而私淑之
本傳所載公有辨惑編五卷思賢錄六卷懷古錄三卷龜巢
藁二十卷未鏤板余曾祖聘大父湛恩先後購得公之遺集
本生父珍嗣父務滋思鏤板而未能蘭生謹按

四庫提要謂詩後有文文後又有詩序次紊亂爲傳鈔之誤

誠哉是言且

文淵閣著錄止十七卷傳是樓書目止十八卷均非足本癸
卯秋長男昌霖赴金陵試自吳門來浙由顧氏藝海樓得季

滄葦侍御鈔本龜巢彙詩文二十卷卷數核與明史藝文志
相符與上元朱明府緒曾互相讐校序次劃一卷數加增眞
善本也要之先賢遺稿雖片紙隻字亦當寶貴傳之無窮矧
此已成完璧耶蓋善學古人者惟其意不惟其辭誠能取公
之所以立身處世者而則效之將羹墻之際若有以詔我矣
豈特其外之文哉族孫蘭生謹述

見其

文其

之也以立良

豈母苦

而眼效

池日淑安

豈

頌益善學古人

善本也要之

夫

賢數蘇編

孫其與

王

云米

新華書局本

傳

謝應芳字子蘭其先河南之開封人宋建炎間六世祖有尉武進者因留著籍安東鄉故鄉稱東西謝莊云公生元季強記博學自所治經外旁及百家子史尤精性理之學遭時不辰隱居白雀溪構斗室顏曰龜巢素行聞於郡辟教鄉子弟指授斐然至正間舉公爲三衢書院長不就壬辰天下兵起公避地吳中吳人爭致館穀尊爲弟子師過吳江游三高祠祠故俎豆范少伯張季鷹陸龜蒙公上書饒參政蠡事越亡吳吳仇也禮不祀非族法宜去請祀太伯仲雍季子而張陸列其旁饒謹其言會亂中止過長洲見晉顧元公榮墓祠土

龜巢藁傳

人厠以瀋祀公又抵書邑長令毀而更建迨我明江南底定公始歸來見邑北鄒忠公浩墓鞠爲茂草樵牧不禁言於郡守張公植碑表其阡又復所侵祭田若干畝哀忠公遺事爲錄達官過郡必先訪其廬公布衣韋帶與抗賓主禮議論亶亶依於古訓而於時獎民隱尤言之侃侃爲文簡繹詩溫雅時有風刺而鋒角不露出經入傳冥會天成無繩削怨怒之態其所自得淵源蓋有本云所著思賢錄五卷辨惑編二卷毘陵先賢續志十卷龜巢藁二十卷

蝶花外史氏曰先生老於逢掖爲吾常國初耆儒著述諸篇訪問經年粹不可得意子姓氏微付之寒烟荒燼矣所可考

者加意先賢與其行事正其祀典清其墓田維世教淑人心
有功後學匪淺鮮而迄今未有標其適駿者所謂不附青雲
之士烏能聲施後世者是耶非耶傳出莊裕徐公問手莊裕
善人也信人也獻則吾能徵之矣

道光乙巳仲春昌霖偶閱晉陵張師繹月鹿堂文集第四卷
載有從祖龜巢傳一篇因補錄之景賢錄內所刊一篇係歐
陽郡伯所撰大畧相同

龜巢傳

二

原校銜名俱載

族孫

辰 廣東督學

樞 四川按察使署布政使

珉 工部侍郎江西巡撫

炎 乾隆戊辰進士兵部職方司郎中

聘 乾隆丙戌進士河南固始縣許州直隸州

賚 乾隆戊戌進士福建侯官縣

惇 乾隆辛丑進士紹興府南塘通判

城 乾隆癸丑進士工部都水司員外郎

幹 嘉慶壬戌進士翰林院庶常

增 嘉慶己巳進士國子監學正

湛恩 侯選同知

務滋 贈徵仕郎

文

知

對

夏

效烈

原校銜名俱載

校訂姓名籍貫開載

新安舒恭受厚庵

江寧王鼎勳清夫

元和陳泰華蕉堂

大興唐潤雅亭

善化孫熙祖春臺

金山丁昌穀儻人

如臯曹濬源泳之

江陰馮燮蘭書

元和祝維則子偉

元和祝維翰心蘭

太湖徐士珪鞠如

烏程蔣維鏞竹屏

金山王昌燾澗人

善化陸熙城春臺

大興田蔚菴亭

元和劉泰華燕堂

武寧王欽燠清夫

德安曾恭受景凱

龜巢葉卷一

元謝應芳撰

族孫蘭生參核

賦

甲豫讓賦 并序

予讀史遷刺客傳閔豫讓亦廁於荆軻之列也故作是賦
以弔之

嗟忠臣與義士兮何正氣之烈烈匪死生以抑志兮豈存亡
而改節仰豫子之炳炳兮復故主之所讎感知已以滅身兮
雖九死其何尤欲潛名以匿姓兮乃絕踪而滅迹爰漆身而
吞炭兮雖家人而不識前詐刑以塗廁兮後伏橋而褰衣雖

龜巢葉卷一

匕首之不利兮惟趙氏之不忘彼友不諒厥志兮哀其生之
自苦曰汝才而臣之兮必近幸而釋汝計何逞而不行兮欲
何求而不遂胡戕形以毀質兮乃前跋而後蹇伊賢哲之確
志兮固終始而不渝旣捐生以爲誓兮肯中道而改塗身雖
癩而無怨兮義不可以暫離聲雖暗而不顧兮行不可以少
虧信所爲之孔艱兮忘所謀之不長將愧人臣之不忠兮違
恤予身之見傷苟委質而求殺兮乃吾心之已貳仇不足以
報趙兮德不信於酬志念智氏之知已兮迺遇國士而遇予忽
反君以事讎兮殆犬豕之弗如嗟夫子之言行兮與日月而
爭光溯千載之遼遼兮紛郁郁其遺芳何太史之不考信兮

列彼名於刺客夫豈碌碌之燕荆兮豈區區之軹聶士有沽
譽而作善兮有邀利以行義苟有爲而爲之雖似真而實僞
彼知瑤之旣殲兮及智宗之旣夷夫子之身無所託兮夫子
之心爲可知乃抗節而効死兮豈攘名而蹈利彼太史之載
筆兮胡不章而反蓋自古孰不有死兮貴委命之得所諒夫
子匪匹夫之勇兮宜君子之所與雖笑貌之不可得兮氣凜
凜其猶生撫遺史而歌吊兮表夫子之忠貞亂曰松柏之剛
有時折兮金石之堅有時裂兮唯忠唯義効斯竭兮匪顧匪
慮終吾節兮烈烈豫子勇且決兮獲正而斃復何說兮不有
君子疇發越兮千古萬古祇刺客兮

復賦

龜巢彙卷一

二

陰陽消長之理無往不返蓋一闔而一闢者也夫斡流推旋
無端無始此天道之所以立也當其玉衡建子金鍾調律而
微陽之脉已驗葭灰於緹室也夫剝窮上而反下則其象已
具於碩果之不食而七日之始旋蓋其幾動於日至之日也
吾嘗觀雷在地中之象而得其說夫雷陽也地陰也壯陰閉
於九莖而潛陽昭於重泉則造化之至理生生而不息者也
且萬物老死於坤而萌芽於復蓋懼春生之不蕃故以養以
藏之甚密也然必自掩身而齋戒禁嗜欲於聲色於以待陰
陽之初定存萬感於一寂也況乎無疾無咎而利有餘往實

聖人幸君子之道長於是乎陽扶而陰抑者也然則復其見
天地之心微至誠者亦孰得而識也且天理之復固有其常
而人心之復亦不可逆故夫惡極必善亂極必甯柔極必剛
晦極必明蓋以天生斯人靈於萬物者也若夫迷而未遠乃
能逆返則若醉而得醒夢之得覺辟如夜氣之清不受乎旦
晝之牴也信能護其萌於隱微之際則朝兢夕惕以全君子
修身之大節也凜乎其頻復之厲裕乎其休復之吉也卓乎
其獨復之勇厚乎其敦復之實也赧乎其迷復之凶必自強
而不自聳者也夫惟顏子其殆庶幾因從事於克復而得善
則服膺而弗失者也蓋其明以察幾剛以致決故優優乎入

龜巢蒙卷一

三

聖之室也彼聖此愚均是人耳增予心之惡也君子必齊其
心而不敢放則善端綿綿而續也然則欲遏人欲而反天理
亦唯謹獨之念而幾微之不忽也

斥鷃賦

維二氣之妙凝播庶類於羣生嗟斥鷃之至微亦稟氣而載
形具薄質之輕儼無華彩之煥明味不登於鼎俎羽不用於
旗旌旣不虞於罟網又何慮乎弋矰於是庭除之際藩籬之
下匪乘而游繫匹而處決然而躍踰然而去物莫能害樂得
其所匪榮菑繫匪薄榛莽苟可投迹鼓翼斯舉匪陋麻菽匪
羨稷黍苟可充食俯啄斯取夫其委命而足順理而安欲無

所縱樂無所盤不用賄而致焚不藏珍以取患不飾身以賈
禍不懷音而見殘靜若守而有待動若倦而知還雖形微而
處僻任此生之自然彼其魯雞之鬪胡鷹之擊介距在身條
鏃在體鸚鵡能言而入籠孔雀飭外而受制或產絕垠或生
遐裔傷伉儷之相違哀母子之偕逝縱僥存而幸免亦貌慘
而心悴豈非形色之環材質之偉爲世所用爲人所貴諒處
身之不智終有累於斯世且夫滄溟之鵬醯瓮之雞均一天
地復奚累爲萬品一區要與之齊維茲之鷄亦適其宜何重
何輕何高何卑小夫之辨又焉能知達人大觀夫復奚疑

承露盤賦

龜巢彙卷一

四

粵古漢武虬龍御天身都富貴心慕神仙動出塵之遐想訪
妙道之眞傳覲長生而久視與喬松而相後先也爾乃氣類
翕從精神感召秘方畢陳至人胥造授異術之元機論延年
之至寶匪玉其芝匪瑤其草采乾坤之精爽庶可臻於壽考
於是烹蜀道之美銅襍麗水之良金旣嘘霆而煽電亦穴陽
而治陰築柏梁之崇臺卓天表而歛釜諒彌高而彌峻非可
計於丈尋觀其屹若雲峯壯如砥柱表斷鰲以立極縣驥龍
而行雨竊造化之功巧有鬼神之呵護爾乃抗以仙掌冒以
金盤詫臙輪之閃閃驚園規之桓桓騁怪誕於羣姓馳雄偉
於千官至人進曰奇功旣成吾事已濟願舉玉趾臨幸其地

於是天子乃漱正陽含朝霞屏萬幾之思慮絕九重之紛華
迨夫夜澹氣冲雲銷月皓澍靈滑於重霄降鮮英於清灑
泫如飴霏霏如膏不賴乎金丹之鍊不屑乎玄霜之搗蓋自
然之嘉瑞真可以後天而不老遂乃屑飛璫和溥珠靈液飲
龔穢除神漿未擬醴泉焉如卻五味以謝六塵又奚啻石髓
之醜醜也旣而形超埃壘體若羽翼趨火不焦沈澗不濕浩
兮如禦寇之御風栩栩如蒙莊之化蝶蓋夙昔之願以遂而
求仙之能事畢矣嗟乎吾觀漢武惑於方士旣受誣於文成
復見欺於五利信荒唐之邪說殆無異於嬴政之世彼其內
嗜聲色外窮甲兵任貪夫而黷貨用酷吏而淫刑恣盤游而
無度極土木之經營朝苦心而焦思夕疲神而憊精縱飛仙
之有藥復何可以長生觀其建元初政赫赫明明罷黜百氏
表章六經彌綸治道網羅羣英信一代之英主能持盈而守
成使其愼厥始終進乎明誠不玩於物不恣於情泊乎其無
爲澹乎其太清則不必餐玉濯擢金英處方壺登蓬瀛自可
以保真而養靜享無疆之遐齡是故至聖無欲存順沒甯使
漢武欲效唐虞之治胡不刻斯盤以九字之湯銘

禦寒賦

有北隣客訪於南隣主人曰四序相催暑往寒來天時旣變
人事亦改風霜高潔冰雪皚皚敢問諸子將何以禦之哉主

人對曰吾用吾計卿用卿策請子先陳吾爲子說客曰雄樓傑閣深閨邃房綺窗不敢畫閣初妝紅爐獸炭煦若春陽此予所居之處也主人曰予也桑樞竹牖且塞且堦穴地作爐火唯煨燼客曰九醞之設八珍之列炙鷄鴈炮羔膾鱉聚物天美咄嗟而獲此吾所食之味也主人曰予也蹲鴟可煨桑落可傾一罌之雲復有茗烹客曰狐貉之裘綺紈之服襦以文繡飾以金碧舍舊服新隨意所適此吾衣服之費也主人曰予也帛以爲襦并以爲袴且縫且紐復著以絮客曰重屏旣列邃幙初張鎮帷以屏展蜀在牀錦衾繡褥爛其有光粉白黛綠笑言芬芳此吾寢息之安也主人曰予也布衾如雪紙帳如雲綺綦茹蘆聊樂吾貧客哂然而笑曰予居養之異服御非常禦此隆冬猶未足當若子之論其亦疎矣主人曰噫是何言之謬也盈天地間林林而生富兮則濁婁兮斯清分定之故孰敢云爭子欲爲我而不得吾欲效子亦不能胥樂其有何疎之稱且吾居之而安不計乎室廬之華陋服之而煨不較乎裳衣之麗細嗜之而飽不察乎飲食之精糲寢之而甯不論乎衾裯之鮮敝凡可卒歲何庸侈麗矧予所謂天和者而子固不足與於此子其行焉無汗吾耳客於是茫然自失默然無語汗面芒背懷慚而去

夫何予性之耿介兮與時俗之寡諧築室居於幽僻兮離喧
囂與氛埃繫前修之可慕兮矧古道之可追何皇皇而無所
止兮乃慮往而營來羌行止之有時兮信用舍之有遇視富
貴如浮雲兮豈馳名而騫利朝吾游於道固兮夕吾憇於藝
圃思衡門之栖遲兮慕考槃之窮處依灌木以結宇兮引清
泉以爲池樹修竹之娟娟兮滋幽蘭之猗猗與禽鳥而相處
兮同欣欣而忘機旣撫松以長嘯兮復臨流而詠詩列左圖
而右史兮置前棊而後棋春吾蠶以爲衣兮秋吾穫以忘飢
雖遯世而不吾知兮唯昭質其無虧信鸞鵠不可矰弋兮豈
麒麟之可羈分宜雞鶩之爭食兮任駑馬之交馳延漁樵以

龜巢藁卷一

七

論交兮美田廬以自適旣不怨而不尤兮又何喪而何得嗟
萬鍾之厚祿兮暨駟馬之軒車徒睽爭而交攫兮紛總總兮
焉如亦孰知信之可立兮孰知義之可服矧其方以爲圓兮
揉其直以爲曲彼恬然以爲榮兮此赧然以爲辱諒薰蕕之
不相入兮甯抱予之獨眞譽予豈獨好異兮欲索居而離羣
厭流俗之靡靡兮誠不能和光而同塵景顏氏之屢空兮乃
樂天而知命仰仲憲之蓬桑兮曰唯貧而非病彼前哲之懋
行兮羌與道而同符何愚人之汨汨兮愴乎其若囚拘羞潘
岳之諛佞兮拜車塵於塗側何亦賦此閒居兮乃論士之巧
拙雖千載之遠遼兮慨有憾於予哀苟非拔俗而高蹈兮亦

何予之能同系曰時與我兮相違審夫命兮何疑憂人之憂
兮羗者有時樂吾之樂兮知者其誰

肺石賦

郡學堂試

昔聖人之御世兮貴上下之情通羗一視以同仁兮曾不廢
於困窮民有長以司平兮或權衡之失中繫窮民之有訴兮
阻天關之九重非設法以階其進兮嗟皇皇其曷從爰置石
於皇都兮其色肺肝之與同使窮民立於其上兮得吐露其
情衷心纍纍乎三日兮斯可見其哀恫士師從而聽決兮私
一毫之靡容信尺蠖之久屈兮睹大明之當空脫辛苦於巔
崖兮躋春臺之融融乃歸罪於其長兮激凜凜之清風以春

龜巢彙卷一

八

生秋殺之道並行兮誰膏澤之敢壅噫茲石之在他山兮亦
唯玉之可攻孰徵求於岩穴兮乃佐治而有功曰厚重而不
可轉兮疑自天之來降薄京口之狼石兮聚當世之梟雄鄙
汲都之華石兮徒媚主於深宮笑佛廬之盤陀石兮坐枯禪
以談空彼支磯之神怪兮適欺世之盲聾是皆不足以擬倫
兮徒雕琢而磨礪惟嘉石之可配兮並見錄於周公維皇元
之有道兮過成周之治隆俗麟趾之信厚兮由上令而下其
畫衣冠而不犯兮將比屋之可封無一夫之不獲兮雖肺石
其奚庸皦皦乎不知帝力之何有兮民於變於時雍

四靈賦

浙江鄉試

聖王御極至治維新修文偃武蹈德詠仁被聲教於四表畢
梯航而來臣發陽春之厚澤布大造之洪恩何隱不顯何憂
不欣何疾不瘳何屈不信士鄉道而游藝賈去僞而鬻眞工
務業於堅朴農務力於耕耘極中和之至德致嘉祥之效珍
維龜維龍維鳳維麟應時畢至以彰聖神邁詠厥事耀於黎
民夫麟之爲物其形不類匪麋匪鹿匪虎匪兕迺肉其角乃
圓其趾不羣居而旅處不陷阱而罹罟音旣中於鐘律行復
合於規矩生草不踐微蟲不履原其德性吁嗟仁矣朝陽之
鳳稟質中行九苞表瑞六德儲祥晨遊紫霧夕飲元冰發文
宋之粲粲動和鳴之將將強夢節而高寺芝鳥身行意羽昇

龜巢藁卷一

九

烟霏之闕色與日月而騰光覽德輝而來下羗出處之有常
介族之長元龜實先十朋之重五色之全下夷平而法地上
規隆而象天或萬年而升木或千祀而巢苓順陰陽以呼吸
藏景曜於重泉斷凶咎於滋惑明吉凶於未然信穹壤之奇
物能鈎深而造元懿矣神龍有威有稜鉅細修短信屈降升
千變萬化杳不可憑張鱗蟹之參差挺頭角之崢嶸旣行雲
而施雨復噓風而吸霆或躍於淵或遊在崗擬物狀以有體
忽神化而無形聞之斯懾覩之斯驚蓋曠代而罕值實有國
之嘉禎予嘗稽之傳記考之六經四物孔異久彰厥名若夫
皇羲之世唐虞之廷姁禹之代姁昌之京或以成太昊之紀

官或以聽簫韶之九成或以負洛書之大範或以應闕睢之
化行維隨時而隱見故王者以爲休祥之徵矧茲昭代聖聖
相承與敷華而比德眇漢唐之所稱海嶽之精藪澤之英何
祥不產何異不呈宜羽毛與鱗介總符合於文明睿子沐浴
盛化歌詠隆平躬雖處於蓬室心獨向於皇扁觀茲奇瑞欲
默不能乃綴詞以成賦仍名之曰四靈

酒賦

有客有客一醉一醒邂逅相遇歎我柴荆醉則高其曠逸醒
則矜其典刑劇談雄辨舌搖風霆於是醒者睨醉客而謂之
曰若不聞乎禹惡旨酒夏德其昌紂爲糟丘殷祚滅亡何物

龜巢彙卷一

十

狂藥毒人肝腸甘之者必酗中之者必傷化慈祥爲凶險變
沈靜爲淫荒語言麗雜氣勢鴟張或罵將軍之座或登節度
之牀或吐丞相之茵或牽美人之裳或翹足沐猴之舞或俛
首羣豕之場微酒之故胡然而狂甚而雙親之養不顧七尺
之軀亦亡腐脅而斃遺臭無疆酒之害人也如此若何不痛
絕而謹爲之防醉者曰是何言哉是何言哉吾聞上古窪樽
三代疊爵苟聖賢之不飲何杯棬之有作書稱麴蘖禮曰清
酌鄉飲之儀獻酬交錯若近代之飲者皆磊磊而落落晉之
八達非酒何以逃亂世之誅唐之八仙非酒何以脫微官之
縛酒之於人其德不薄變怒爲喜轉憂爲樂釋憤氣之怨爭

發鈍口之談譎故曰痛飲吾之師不飲客之惡獨醒之原懷
沙寂寞啜茶之同血染鋒鏑然則酒何負於人哉爾獨未知
其趣而遽薄之也詞未既余乃從而釋之曰止止二子之說
各倚一偏請折其衷子其聽旃往古來今酒不可無祭祀賓
客日用之需但用之者豐不可縱儉不可拘縱失之酒拘失
之愚愚乃人之所鄙酒乃人之所享酒以成禮威儀秩如酒
以合歡怡怡愉愉夫如是又安得喪於而德害於而軀亡於
而國敗於而家乎二客於是蹶然而起負墻而立請誦惟酒
無量不及亂之言庶無過與不及

龜巢彙卷一

七

龜巢彙卷之二

元謝應芳撰

族孫蘭生參校

詩

上人奉陪陳伯大先輩及趙師呂張伯啟朱月江金清夫兄

弟登金牛臺

六龍城西呂城東奔牛古堰臥雨龍誰築高臺水中泚野有
蔓草牛無踪河邊青苔生白骨刀鎗箭瘢猶未滅問知八十
二年前戰死當時皆義卒鐵馬遁去劉將軍大家牽羊走燕
雲三百山河獻明主北駝南象今紛紛登臨且喜得佳客鞠
育菁菁已堪摘浮雲世事勿復論一醉西風真上策

龜巢彙卷二

和蘇竹逸秋日還鄉

夢繞淞江太湖上舊家隣里古魚磯長腰秔米家家熟巨口
鱸魚箇箇肥為客已驚絲滿鬢還鄉何待錦為衣筆床茶竈
蓬窗下來往風帆數日飛

呈趙徵士

吳姬手執金巨羅春風笑面生紅渦主人留客長夜飲客拜
主人辭酒多主人沉醉客亦醉客散扶歸主人睡殘杯冷炙
厨頭傾隣家兒有啼飢聲

江碧山千戶席上以我愛夏日長分韻得夏字

堯階舞干羽聲教溢夷夏清風細柳營長日有餘暇兵厨移

竹林觴詠集陶謝酒傾虎頭杯盤割牛心炙佳哉醉鄉境漸
入如啖蔗客去復相期明朝還命駕

春風自冬而春舉家病疫予幸獨無恙旣而疾止詩以自賀

春風自冬而春舉家病疫予幸獨無恙旣而疾止詩以自賀

昨歲夏秋早四國人顛連餓死非不悲病疫尤可憐甚者枕
相籍遺骸飽烏鳶安知期月餘厲氣猶鬱然余家百餘指連
屋魚貫眠顧我如一木支此敗屋顛上堂問湯藥下厨供粥
饘鄉隣不我過恐爲疫鬼纏俚俗無足怪妖巫肆訛傳所賴
學之力賦命必自天立言斥淫祀秉志金石堅慈親今健飯
孫男仍滿前我妻及女嬰間寢相後先嗟哉黃楊木脫此厄

龜巢葉卷二

二

閏年東風播陽和草木仍春妍

鄧道士雪中遺梅花一枝詩一首酒二樽見惠館人王

文甫飲余退館樓次韻答詩仍要鄧晚集

欲作梅花賦才疎愧廣平一枝春到手酒香詩更新開樽對

雪飲將詩遣童去亟請過蕭齋石鼎與聯句

栽桑

春雨墻陰手自鉏賸栽桑樹遠吾廬歸來笑與山妻說來歲

春蠶葉有餘

九日對雨

白雨何其急青山不可登兀然無客到閒似坐禪僧盆菊數

十蕊村醪四五升猶勝陶靖節冷眼望王弘

養鶴

西隣主人翁養鶴如養客專童供鶴料稍慢童受責試問鶴
何好毛羽喜潔白又能舞翩躚長鳴振金石客有雀骨清粹
然含素德窮居以詩鳴冷面常菜色賦命鶴不如可爲長太

息

送李知事赴邵武

金壇學質字竹操廷
祐中以詩經及第

舟車千里遠甌越萬山連舊俗名多獷孤城地極偏朝廷用
儒術幕府贊承宣更喜詩三百東南可盛傳

送凌萬里絜家歸海陵

龜巢藁卷二

三

隣居三十載奈此別離何客路秋光薄歸舟月色多雲山連
海岱吳越隔江河珍重千金璞良工更琢磨

郡學西齋夜坐懷親友

客心清似水學舍冷如冰苔榻三秋雨芸編半夜鐙病多憂
老母會少憶良朋麋鹿山林性悠然愧未能

送兄遊補陀山四首

蓮花已結東林社藜杖復尋南海遊千百億身黃面老化城

今豈在瀛洲

飛鳶帖帖水連天行李蕭蕭客上舡津吏不須勞詰問道人

來禮白衣仙

烟霧昏冥晝不開
颶風吹浪雪成堆
獻珠龍女應相笑
何處扁舟載月來

堂上慈親老
惜兒遠遊尋佛笑
兒癡倚門望汝歸
來日三月闌珊四月時

寄錢塘教諭金君捷

紫鳳鳴書下九天
司徒今日復興賢
欲知別後成何事
和得陶詩百許篇

哭王伯祥二絕

昨朝相別夢初萌
一夕那知隔死生
蹠自永年顏自天
大鈞子物信無情

龜巢彙卷二

四

傷哉郎罷客
西湖匍匐歸來玉樹枯
風雨高堂春寂寞
忍聞長夜泣諸孤

惠山泉和翟玄玄先生韻

青山屈曲九龍蟠
一派清泉噴雪寒
陵谷變遷知幾度
石池洋溢不曾乾
幽亭過客分雲液
古寺閒僧煮月團
莫向貴游誇絕品
恐煩迢遞入長安

耕隱

爲蕭徵士作

蘭陵溪上梅花村
世居齊梁之子孫
瀕溪沃壤足禾黍
教子讀書深閉門
時人笑渠生理拙
渠亦笑人多覆轍
春來烏犍一犁兩歲晚
黃精三尺雪
有時獨自舞短蓑
飯牛別作耕田

歌長安車馬自塵土奈爾濯足滄浪何君不見蘇秦爲無田
負郭平生不識耕田樂奴顏婢膝謁諸侯黃金載多禍隨作
君今有田兼有書夜深燈火照犁鋤只恐一朝富貴逼人去
猿雀笑人留不住

送侄僧德無言歸靈隱

鴻鵠之志飛冲天鯤鯨入海方悠然汝生不受塵網牽作佛
要在靈運前先人壁經汝舍旃棄家乃著牛車鞭袈裟斜擔
雲半肩東西南北十五年邇來參得靈隱禪神鯉躍出西山
顛歸來瓦瓶攜冷泉侑以白雲歌數篇我昔西湖艤酒船曾
聞老猿啼翠烟新秋雨洗山娟娟石頭路滑難攀緣汝今言
歸磨汝磚山中之人應汝憐道經孤山腳下梅花邊敢煩爲
我問訊林逋仙

寄金陵陳雲心先生先生少學道游寓兩浙後復歸家

于金陵以能詩善琴終知臺閣然屢薦不起學者多
從之游遠蒙惠書故以詩代簡

先生閉戶自婆娑御史乘驄每見過白下詩名傳不朽紫霞
琴譜訂無訛樓居臥看三山遠學子從來兩浙多一別十年
還念我遠雁書尺問如何

送陳漢卿赴江陰州知事

玉雪風神秀雲霄志氣雄
騫騰從早歲交結盡明公
鸚鵡薦無

虛日鵬搏適順風修名今樹立令德愈磨礪清露金莖表黃
流玉瓚中詞章追太史雕琢謝良工綸綍重恩被無裳秩漸
隆雄州勞贊書善政惠疲癯幕府文書簡江城草木空風濤
秋浩蕩烟雨晝溟濛退食揮塵吏忘機對海翁仕優吟更好
境會意何窮離索遙憐我殷勤爲擊蒙

慈親年八十四首

慈親年八十言笑滿懷春衣食兒躬稼蒸嘗婦采蘋一閑殊
可喜長健不妨貧眉壽曾孫酒黃花節物新

慈親年八十早歲歷兵戈老此太平世晏然安樂窩門前流
水活隴上白雲多兒輩生涯好東臯雨一蓑

龜巢藁卷二

六

慈親年八十一子帶經鉏貧賤無鐘鼎辛勤有屋廬小園千
箇竹老圃四時蔬隣舍閒來往諸孫御板輿

慈親年八十頭鬢雪粉然安得長生術終爲不老仙平生甘
澹泊中歲絕腥羶淨拂燒香几持經繡佛前

聞友人陳子山廷試第一喜而有作用寄乃弟子方

紫衣使者日邊來爲道元方作大魁金闕早朝鳴佩入瓊林
日宴戴花回九天恩澤沾多士一點文星近上台愧我無成
驚且喜漁蓑獨宿舞溪隈

年濱州軍士劉平之成棗陽與妻胡俱在道夫爲虎

所得胡逐虎殺之澗卿持畫索詩因題其後

猛虎誰不畏良人吾所天眼看性命落虎口妾身雖死何足
憐嗟哉劉郎妻力不猛于虎怒氣一奮發執虎如執鼠想當
攘臂急逐時太山可拔城可隳呼兒取刀兒後隨刀入母手
虎腹披當時若使遭虎噬虎口甘心作同穴嗟哉劉郎妻今
古誰足擬馮媛當熊爲君立曹娥殺蛟隨父死嗚呼裙釵之
下有君子宜爾芳名著青史

鮮于瑞卿還碧亭

鮮于令子平泉莊有亭翼然水中央天光雲影白日靜菱葉
荷花清露香柳下繫舡魚可釣坐中留客酒盈觴門前漁浦

龜巢藁卷二

七

接洗滌白鳥飛去烟蒼茫

朱逸齋先生挽詞三首

前朝士習雕蟲巧先生詞章風格老功名到手陵谷變雲霖
竟作南山皓駢花儷葉墜秋風獨抱遺經自探討嗚呼一歌
兮懷我師平生瓣香今爲誰

堦庭桂子初芬芳盲飈怪雨俄催傷中郎賴有女傳業安然
得老溫柔鄉平生綴輯富篇章才名不與身俱亡嗚呼再歌
兮雲石裂斷腸猿叫黃山月

憶年十五受學經先生眷之雙眼青每隨杖履訪明舊耳聞
目擊皆儀刑而今先輩總淪歿黃鐘大呂吾誰聽嗚呼三歌

兮涕淚零招魂不來秋杳冥

送秦彥明二首

美人木蘭舟春風挂帆去舟輕疾如飛可喜亦可懼浙江多
風波越山暗烟樹孤月炤蓬窗今夜宿何處
老驥千里材鹽車九折坂行行復行行伯樂遇何晚之人懷
帝閭丹霄路云遠一笑膏吾車疇能爲推挽

送趙方叔入京

去去京華八月初聖皇清暑返鸞輿五門雨洗紅塵淨九闕
涼生碧柳疎慈母衣裳縫密綫丈夫門戶出高車翰林若見
陳修撰爲道野夫曾寄書

龜巢藁卷二

八

贈術士楊南溪

有客有客楊南溪天文之學師重黎又讀郭璞青囊書書今
不用如筮蹄十年湖海聲藉藉觀水觀山雙眼碧一官雖冷
氣如春那識人間有金壁相逢林下秋雨乾高梧月落瓦氣
寒杯酒殷勤儘清興作詩醉寫烏絲闌

立秋

苦熱念秋至立秋意欣欣一雨忽破硯千山淨無塵新月挂
高樹涼風洒衣巾重束囊中書懷我堂上親丈夫苟未遇妻
孥耕且耘胡爲苦離別低頭長傍人

和孫伯昭佛社二十韻

祭法垂明訓邦家祀有功愚氓何悖禮佞佛乃成風婦女僧
流雜香化佛社隆三身誇悉怛千眼慕圓通金像瞻如在珍
羞供極豐九衢迎象駕百綵製天宮窈窕閨房秀聯翩市井
童莊嚴森侍衛游衍適西東行道駢繡素飛塵隘軟紅寶幢
雲母扇銀燭水晶籠繞欽伶倫後袞袞粉黛中亂倫言可醜
妄意福來崇廢業兼旬久揮金與土同盤游律有禁長吏聽
如聳闔郡喧邪說同袍見直躬新詩來滿紙高論發羣蒙白
雪無人和皇天鑒此哀不爲因果惑真乃丈夫雄感激徒三
嘆棲遲奈兩窮抗言摧佛骨所願學韓公

贈丹陽歸真觀諸葛鍊師

鶴巢集卷二

九

鶴溪之水鳴瀼瀼九曲龍蟠護仙宅東南一望天宇寬綠塹
平蕪接洮瀉階前老樹三十圍門列修篁數千戟綠陰庭戶
濕空翠五月天風吹巾烏笠夫何緣飲丹井偶遇尋真羽衣
客焦仙莎衣煮白石呂翁榴皮題素壁物喚人非數百年子
復幽探訪陳迹黃冠老師臥龍種知雄守雌室虛白詵詵弟
子皆速省中有詩豪更琴僻哦詩鼓琴師亦喜一唱爲之三
嘆息嗟予汨沒塵土中到此悠然百憂釋采芝終日不盈襜
曳屐長歌晚山碧

寄題蔣仲益野趣亭

陶潛歸故園日涉乃成趣迷途雖不遠已恨出門悞眷茲亭

中人不識功名路幽居瞰洮滷詩盟結鷗鷺秔稌湖上田花
竹家後圃山色開畫圖波光照窗戶寒燈課兒孫春甌了農
務杖履三十年曾無一塵汚人生天地間溘如草頭路軒冕
渠自榮刀鋸吾無懼熙熙太平世千載實難遇野趣只自娛
難以語童孺

代簡蔣成玉三首

往年同掣釣鰲鈎空載錢塘月滿舟從此相思不相見槐花
又老數番秋

東風傾葢采芹亭一笑相看兩眼青老我無成今學稼荷鋤
依舊帶遺經

龜巢藁卷二

十

春來一月苦陰雨少頃雨晴邀客嬉金斗城西芳草路水邊
楊柳青離離

送牛季和赴旌德教諭

積雨喜新霽六合無纖埃江頭楊柳風送客征帆開把杯問
青天天網信恢恢之人飽經術吐辭粲瓊瑰不居白玉堂合
著黃金臺培風展雲翮胡爲尙低徊往矣教岩邑莞然育羣
才峩峩敬亭山相看亦佳哉薺麥茂霜雪蛟龍候風雷秋風
木瓜熟好題書後來

慈烏

倚窗看慈烏生雛念雛飢黃口未能啄雌雄交哺之羽毛日

以長飛飛展雙翼父母乃巢居羣雛爲求食得食能幾何入口不下咽去時聲啞啞歸來羽翩翩大鳥能爾慈小鳥能爾孝他時子爲子宜亦如爾報萬物人爲靈不孝誠何心我今作此歌警世還自箴

余子元御史枉駕敝廬以詩貽次韻奉贈

奇哉古秦鏡奸邪見肝胆當日獻天子重瞳目親覽邇來匣中藏寒月光湛湛玉臺重拂拭清輝元不減

陪全公遊仁惠觀途中酌酒賦詩予和二首

吳山相送越山迎二十年前驄馬行今日經從重遊處詩情秋色喜雙清

龜巢彙卷二

十一

山中羽人山下迎籃輿看山吟復行松陰呼酒聽禽語一笑如見黃河清

邀則誠郊居小集

別多無奈苦相憶賴有尺書時往來逢人爲說烏寶傳此客合貯黃金臺北風塵土歲云莫南湖水波冰欲開扁舟短棹出西郭元日相期看野梅

同遊趙君模過訪

荒城歲晚冰雪繁幽人校書深閉門書中樂與聖賢對門外寂無車馬喧年光冉冉老將至心事悠悠誰與論肯爲梅花過寒谷定邀高子共清樽

偕丹陽諸葛用中金壇王元微同應鄉試阻風無錫和
十日并用中韻

船窗晝暝鉤簾坐暘谷雷鳴送雨來嘉友喜如雙鳳集清樽
且對九龍開槐花滿眼催行色桂子吹香入酒杯黃帽怕教
牽纜去請看風浪雪成堆

次鄧混然韻送溧陽王元仁兼簡乃父時可先生兄元
德

客裏匆匆送客歸江空歲晚雪晴時父兄相見煩傳語書劍
重來好寄詩世事兩年多反覆人情十日九驅馳巖橋東畔
王猷宅杖履幽尋未有期

東坡集卷二

七

丹陽道中早行過呂城寫示諸葛用中

寒雞丑前鳴雨急風更惡吾欲遯吾車僕夫殊不樂坐待風
雨休早出丹陽郭行行二三里風雨復交作造化小兒劇變
態不可度雨濕衣欲冰風吹面如削前途迷遠近古堠暗摸
索懷哉故人居不遠可依託奈此道路難咫尺進復卻之人
書萬卷芸窗浸書閣閉門了無事臥聽簷花落吾年幾倍之
賦命乃爾薄詩成往呈似定發一大噓

全愈憲自黃州以西洋布遣騎見惠作謝

十月北風方怒號故人西布似綈袍遠勞使者傳書信笑看
佳人落剪刀留得海圖飛鳳鳥絕勝山剝集鵝毛歲寒冰雪

空山裏千里相思桃本桃

除夕和諸葛用中韻

盡道王門可曳裾青山吾自愛吾廬新年且喜屠蘇酒舊業
重修種樹書堂上弄雛慈母喜堦前繫馬故人疎東風一樹
梅花雪折得南枝報鯉魚

寄陳修撰

吾始師麟筆羣公繫馬遷欲明前代事不失後人傳紫禁烟
花繞丹青日月懸書成添一笑高步更聯翩

諸葛用中邀賞牡丹痛飲終日且留僕與陳鍊師宿成

趣軒各賦詩十二韻

龜美集卷二

三

金谷春風踐名花宿雨霑錦宮晴覆幄華屋晝垂簾公子開
瓊晏仙人駕玉蟾妙年皆可畏老態不吾嫌柳雪沾衣袂花
枝壓帽簷舞裙雲冉冉謂板玉纖纖鸞鳳鳴絲竹羔豚出金
鬻初筵猶秩秩終日竟厭厭客少情偏洽杯深意轉欣猖狂
客阮籍謬誤怒陶潛大笑南柯蟻深慚竹上鮎題詩紀行樂
罄折謝勞謙

次韻羅居仁閒居遣興

春近清明日花開金斗城閉門忘寵辱染翰作眞行芳草自
生意青山不世情何由過幽壑攜酒聽松聲

楊氏橘隱軒

十年走京洛衣冠混泥途脫身車馬塵竟作山澤臞開軒面
流水坐對橘一株客來必留連手談以爲娛手談亦何好聊
適歲月徂南風綠陰涼長日幽鳥呼寂然此樹下身如蝸甲
枯千橘比戶侯斯亦非吾徒况彼終南山捷徑爭奔趨驅車
過吾里豈不愧木奴

白鷺江浙平章嚙嚙公家養二鷓其雄斃於狸奴人以他雄
配之遂鬪死作義鷓詩

翩翩兩飛奴其羽白如雪鳥獸忽相殘雄死雌跛躄絕食累
數日悲鳴聲不歇蒼頭配他偶捍鬪項流血血流氣猶憤血
盡氣力絕嗟爾非鴛鴦失偶不再結嗟爾非睢鳩所性殊有

龜巢葉卷二

古

別于人擬其妻之死同一轍夫何宮闈內往往少貞烈夏姬
更九夫河間不可說聊爲義鷓行永激婦女節

陳伯大先輩儲邾仲義陳容齋張子毅見過酒邊以茶
瓜留客分韻得茶字

白雀溪清水見沙溪頭茅屋埜人家柴門淨掃迎來客薄酒
遲留當啜茶林响西風桐隕葉雨晴南晦稻吹花北窗幾箇
青青竹題遍新詩日未斜

傷田家二首

踏踏溪上車薺薺田中苗踏車非不勤水盡苗枯焦人力不
勝天奈爾秋陽驕

初春脫寒衣典來事東作歲旱穀不收且無衣可著飢寒去
何之前途半溝壑

又二首

堯田九年水湯田七年乾保民苟無術羣黎總凋殘我農今
疇依州縣父母官父母不我憐何從語辛酸
神農作耒耜后稷教稼穡安知後之人耕稼多乏食乏食未
足憂山中有黃犢奈何黜鄉夫州城要修築平明荷鋤去雷
鳴忍飢腹

百菊菊泉詩為孫嘉賦

循彼南山言采其菊爰有寒泉在彼空谷挹彼注茲有芳其

龜巢藁卷二

五

馥既澄爾心亦瑩爾目所謂伊人溫其如玉宜爾眉壽荷天
百祿賜之南陽為爾湯沐

嘉定雜詩

黍熟湖田花鴨飛雨香秋浦蕩魚肥野翁織屨街頭賣日暮
裹鹽沽酒歸
趁潮艇子若游龍潮落橫塘日下春負郭人家星散住水邊
多種木芙蓉

崑山
時州泊移
居太倉

孤峯雲疊疊舊邑草蕭蕭
覓石敲新火拏舟趁早潮
沙田紅
稻熟溪網白魚跳寂寞悲秋客蓬窗酒一瓢

寄邾仲義二首

我思垂虹橋滄波綠楊津鄂棣花宅瞰此江之濱荷衣佩
秋蘭野飯羹紫萼一從橋上別花發三年春相思復相思爲
爾歌停雲爾爾心管爾爾手爾爾手爾爾爾爾爾爾爾爾
我思釣雪灘烟波數千頃幽人讀書罷乘風放孤艇沙頭弄
明月水底見天影鱸魚秋自肥楓葉霜自冷釣鈞未連鰲聊
此駐清景門上平爾爾爾爾爾爾爾爾爾爾爾爾

過太倉

楊柳溪邊繫客棹桃花雨後柳吹花東風地角環滄海日夜
潮聲走白沙市舶物多橫道路江瑤價重壓魚蝦天妃廟下

龜巢藁卷二

十六

沈玄璧漕運開洋鼓亂馳

簡雀徵君

姚參政門人

牧庵夫子久絕筆巾笥藏書手澤存白首誓將深報國青雲
多是舊同門去年雪裏西郊別何日花前北海樽芳草萋萋
春又晚杜鵑聲裏憶王孫自爾爾爾爾爾爾爾爾爾爾爾爾

和王文振遺興

齋居幽事頗關心晉帖時時手自臨徐孺不來常挂榻鍾期
相遇始彈琴東風城市紅塵暗長日軒窗碧草深聖代明堂
方有作豈容方棟老雲林爾爾爾爾爾爾爾爾爾爾爾爾爾爾

送陳縣尹之東流

東流父老候飛鳧莫遣前驅叱避途好問去年天子詔邑中
差稅受恩無

哭全命事

蚤歲乘驄馬當時負重名四川豺虎縛一疏鬼神驚解組歸
江漢還家訪友生安知成永訣杯酒呂蒙城

官軍羣鼠

羣鼠穿我墉晝出不我避蒼頭往執之赤手反遭噬號呼驚
四隣狸奴盡呼至羣狸視如盲鼠輩從此逝老我氣力衰長
吁夜無寐

寄惠山鑿長老

字仲明號大虛

韻藻卷一

十七

木剎之陽九龍峯金田蟄爾僧中龍山頭雲出埜漠漠石眼
泉澗聲滢滢呵冰古硯寫墨竹埽雪臨軒看碧松別來兩度
歲華晚祇見梅花信一封

簪髮人間訊

官河春水綠粼粼重結衡茅近水濱膝下班衣三稚子堂前
白髮一慈親閑門無事足爲樂插架有書何處貧林間更喜
連年熟釀得香醪味更醇

元日試筆

護草堂前竹斂竿歸來喜見總平安春風煖入屠蘇酒朝日
光生苜蓿盤萬國臣隣同受朔一年時序又更端買臣未衣

還家錦庸豎從教白眼看

送新安程以安先生入京

春雪初消楊柳黃楊雄奏賦入明光鶯啼禁苑烟花煖人著
宮袍雨露香聖代百年周禮樂儒林諸老漢文章政須述作
揮椽筆風月平分白玉堂

和京口張君益南園新居

鐵城如甕藏華屋金榭垂絲鎖畫橋賀厦燕來尋舊主灌園
人立候春潮戲題花月詩皆好醉覽江山酒易消天意也應
留遠客雨師連日瀉天瓢

王元德別去數年連會呂城諸葛氏家寫蘭見贈且索

龜巢藁卷二

六

詩送行時予辨惑編成或有忌而謗之者因併及之
與君一別更幾霜喜君學與才俱長向來作詩多刻苦而今
格律殊高古向來祇爲竹傳神而今復爲蘭寫真懸崖疊石
足幽致古木寒藤有生意胸中清氣吐筆端有聲無聲俱可
觀相逢莫恨無知者縑素盈箱乞傳寫絕勝編書斥異端老
我穿屋牛衣眠十年歲月磨硯鐵贏得羣龙爭吠雪願君爲
作指南車獨行周道當何如

答凌萬里見寄

移家一別十年多予髮蒼蒼子若何老去情懷偏念舊向來
消息頗傳訛遙憐杜甫因詩瘦欲爲楊雄載酒過稍待長江

羣盜息筒簫吹我醉時歌

送辛明善之縉雲監稅兼簡高則誠錄事

縉雲山水盤盤一舸夷猶七十灘如此壯遊良不惡何妨
遠別去之官風生白苧征衫薄雨過黃梅客路乾傳語郡中
高錄事小編求序冠篇端

題桃源圖

昔年曾讀桃源記會得陶潛言外意柴桑避世如避秦恨不
山深絕人事借秦爲喻說桃源漁郎之遊皆寓言不然溪上
山如故何乃舟回竟迷路若令此景真在山此翁必入窮躋
攀編詩不用書甲子姓名無復留人間只今唐虞太平世花
柳村村足佳致不須重展畫圖看四海桃源復何異

龜巢藁卷二

九

張子毅生日招飲以詩壽之

深山大澤生龍蛇文彩風流出故家柴桑負郭田三頃燈火
乃翁書五車南風初結石榴子細雨微挹菖蒲花生徒樂爲
君壽考老夫也得醉流霞

避雨 二首選一

繫馬瘦亭東郵亭似鶴籠長河飛白雨高樹洒清風州界纔
相接鄉音便不同野人來問字錯認是楊雄

贈何敬存

歲歲九龍峯寒泉落冰雪美人此傾蓋爲我滌煩熱世途自

荆榛肝胆無楚越憑高一長嘯清風滿林樾
送崔仲德歸錢塘

家住湧金門瀕湖五畝園梅邊童養鶴松下客呼猿頭白心
猶壯官卑德自尊徵車未來日詩禮教諸孫

送盛本初教諭之全椒

淮海維揚才侈多先鞭奈爾妙年何瑤花春酒三年別滁水
秋風一葦過聖代只今興禮樂人家是處有絃歌安書寄與
南來雁時有新詩到薜蘿

辛至善永思亭

而家本西域而翁葬桐鄉鄉人猶永思哀哀况諸郎春雨暗

羅集彙卷一

二

宿草秋風悲白楊別來春復秋予焉奉蒸嘗思成見容色宛
在羹與醬一念不少休東流水湯湯到海水未已此心未渠
央貽謀子若孫百世宜有慶

次韻陳知遠秋日言懷

奔牛古堰頭築室俯滄洲愛客常沽酒耽書不下樓青山衝
落日白露濕高秋最喜多兄弟雙親百不憂

諸葛用中成趣軒

幽幽小園池結屋三四楹若人青雲器乃有丘壑情涉園以
成趣尙友陶淵明池水魚潑潑花枝鳥嚶嚶太極圖外意芳
草階前生吾趣吾自知對客無以名欲識琴中趣且聆絃上

聲欲識酒中趣百壺與君傾啖蔗勿遽棄佳境將來迎

李御史過訪

霜飛白簡照南臺蚤歲君門射策來獨立敢言天下事實封
獵到御前開駢駢驄馬過茅宇戀戀緜袍念櫟材慚愧山林
麋鹿性偃然方樂臥蒼苔

題畫鷹

蒼鷹獨立清秋樹劍翎風生欲飛去林間燕雀同成羣海上
駕鵝亦無數駕鵝燕雀動聲喧擊之不擊無足言快煩爲我
殺鉤徧勿使空人之宅曠人城

曹娥廟

龜集藁卷二

三

死孝魚龍窟垂名簡冊香江流隨姓氏鄉土奉蒸嘗黃絹碑
辭古青山宰木長世間梟獍子何面過祠堂

伏日奉懷江浙高掾史次早友人黃仲德入杭以詩代

簡

伏日常年苦炎熱今年伏日風雨涼官曹早出丞相府賓客
高會湖山堂垂楊繫馬綠陰靜畫舸採蓮紅粉香應有新詩
紀行樂武林風物增輝光

河魴

世言河魴魚大美有大毒彼美吾不知彼毒聞已熟其子小
如芥食之脹如菽腹腴膏血多目腴頭項縮烹調苟失飪禍

至不轉囑或言直一死輕命重口腹邇來州里間杯羹數家
哭譬諸安與史敢用甘顛覆溺愛多不明奚止一水族作此
河鮑詩逢人敢忠告

過道鄉先生墓有感

忠公天下士夙學能慎獨平生寸心赤耿耿照黃屋元符引
禱諫痛甚賈生哭上言正中宮下言斥富軸直道時不容除
名竄荒服建中及崇甯寵辱手番覆炎蒸嶺南地文章散清
馥晚歲歸故山林莊竟埋玉向來望佳城鬱鬱暗松竹今爲
禾黍區春雨耕穀穀翁仲知何歸雲仍困無告嗟予咕嚙生
斯文賴私淑願言理侵疆重植宰上木愚公將移山自謂計

龜巢葉卷二

三

已熟精術欲填海可奈力不足傷心復傷心殘碑卧荒麓凡道

鄉詩並入
思賢錄內

簡吳門葛可久

東南古吳會河江沒坤軸闢門萬人海躡珠混魚目嗟爾珊
瑚珠光彩照壑谷挺挺入尺軀便便五經腹復用岐黃書教
子時共讀座有焦尾桐樽餘荔枝醪我室雖甚遠扁舟往來
孰此別獨經年羹墻見鴻鵠珍重應時須抵鵲毋以玉時分
省寡

文武士聞可久欲
應命故有末句

寄謝京口俞府判先生辨惑編序

憶昨攜稿梧往學太古音清風一揮手爲我湔蓬心言歸臥

空谷神飛繞帷林寄來明月珠價重雙南金豈不懷報章慚
愧秋蛩吟人生少會遇歲月何駁尋晨瞻蒜山高夕覽江水
深江山渺予懷塵土盈我襟行當駕黃鶴從遊閩風岑

璚花行送盛克明教授歸維揚

揚州好花非不多奈爾絕品無雙何水沈香骨素玉蕊琉璃
滑葉青瑤柯東風二月花時節二十四橋香浸月小山叢桂
避芳塵東閣官梅褪殘雪向來名士多品題拈香御史今亦
知何日移春獻天子不負此花天下姿

王長史代祀天妃回偶留常州爲予作辨惑編序驛亭

飲別以詩謝之

長史字叔善名餘

龍東蒙卷二

三

使者祈靈海上回蛟螭遠避漕船開入朝將進賢臣須當路
皆知館閣才傾盖道邊欣邂逅車林下久徘徊綵毫題我
蒲編去鸞鳳回翔燕雀猜

奉同于尚書賀高太尉承恩詩

紫鳳脚書下日邊一樽金幣禮高年天恩已見來三錫月俸
猶供食萬錢綠絳午橋閒几杖長洲茂苑美山川舊家池館
花如錦簫鼓春風送酒舡

次韻陳心遠久雨

秋風捲蘅茝我屋漏已久春來復多雨水馬階下走人皆憂
巨浸吾謂晴可守獨憂東海上連年聚羣醜官軍涉鯨波鼠

葦未臬首雨疇作沮洳閒吾扶犁手何以解此憂山鉅瀉春
酒

喜復鄒忠公墓田詩謝兩郡侯

新松重植古人墳五馬同來兩使君歸我侵疆三十畝山靈
慚愧謝移文
白頭翁媪倚林莊笑指荒丘舊石羊誰料百年荆棘裏又看
金紫莫椒漿
奕奕祠堂春雨生青山紅塔照簷楹檐前燕雀聲何喜冠蓋
如雲爲落成

去年風雨暗桑麻今雨楸梧一望賒寄語無情梟獍子隴頭

脚土有慈烏

龜莫藁卷二

古

傾囊不惜購殘碑爲愛前朝幼婦詞賴有賢侯知古意從教
俗士笑書癡

府公遺愛沾幽壤吏部文章勒翠珉寒食清明人洒飯落花
飛絮鳥啼春

里翁猶記前朝事五馬年年上塚來白鳥能言高柱立黃楊
合抱細花開

青山無數麒麟塚人到林莊下馬過爲問路傍楊柳樹向來
興廢事何如

景鄒亭在稼亭東斷礎猶存草莽中羣圃何時重購築羨墻

長見道鄉翁

千古一坏忠義土青山門戶碧溪陰溪流冷浸中宵月照見
先生未死心

三月歸田舍作五首

十年爲客不窺園數日還家獨閉門兒女牽衣拂塵土親朋
折簡問寒暄江南花柳青春好淮上風烟白晝昏聞道賊渠
今殲死兩窗歡喜倒芳樽
余生甘分老漁樵竹徑柴扉掩寂寥舍後薄田堪種秫門前
流水喜通潮人遭歲歉殮榆粥天假春晴養麥苗早起憑高
望西北楚氛猶自未全消

龜巢叢卷二

五

天開鐵網放鯨鯢甲馬歸營罷鼓鼙四海蒼生皆鼓舞三苗
何物竟昏迷愁聞近日軍需急幸得新年米價底春雨壟頭
耕未得桑林布穀爲誰啼
鴉鳴鵲噪總無靈庸儒諠言更莫聽萬國山河春蕩蕩一時
烟霧晝冥冥官軍自足追窮寇縣吏猶勞募壯丁何日賣刀
仍買犢花村雞犬共安甯

飛芻輓粟未能休嗟我鄉隣日夜憂何事羣兇恣猖獗半年
諸將擁貔貅桃花過雨紅顏老杜宇傷春血淚流堪笑腐儒
無可用下帷依舊說春秋

記夢

至正十二年六月初八日夜夢於先人舊居之後堂看故
兄所遺春帖有讀書傳家等語因念先人嘗言曾大父
以儒名家從父領鄉薦爲校官我兄猶好學而文今其
孫無有似者次兄二子皆廢學吾三子亦未成立以此
感泣旣覺而涕泗交頤心甚怵惕因作詩以示兒輩

苦熱夜難寐坐久方偃息夢歸巷南宅竹樹皆厯厯伯兄手
題詩猶存後堂壁余時因感傷先世本縫掖書聲今寂寥寶
樹化荆棘立觀楷書字哭泣沾臆覺來憶詩語白月光滿
室重念世澤微門衰自疇昔我方垂髫時伯父死於溺音容
兩茫然了若不相識但聞能孝友風姿頗清逸四十五六年

龜巢藁卷二

三

遺文總狼藉題壁尙何有此夢生此文予生雖無成多賴讀
書力指廁鏡上塵積累機上錦嗣續幸不泯所願能自植木
也年十六林亦及二七阿森今九齡父母俱愛惜不爲樵牧
童又不學稼穡窗與雪案寸晷宜愛惜讀書承世業此語
誠藥石汝曹能黽勉是亦尊汝伯旁觀勿相笑說夢等兒劇

客來

革孔頻移轉覺寬酒杯雖舉不成歡客來爲說紅巾苦窗下
榴花亦怕看

進士馬仲達爲常州路錄事司達魯花赤監築城以詩

見示余次韻答

風欄抱膝聽鳴蜩頗覺鄉隣有叫囂四海百年歸一統兩階
何日格三苗斗城新築關門早鐵騎南征去路遙年少參軍
金榜客可無奇策上丹霄

至正壬辰十月二十二日於妻兄任氏家避亂得家兄

信感嘆而作

避地橫山下離家十日餘鶴原常在望魚素忽傳書猛虎走
城郭蝮蛇生里間欲歸歸未得搔首獨躊躇四五平倉皇

初度有感

十一月初六日時
年五十寓居任氏

我生何不辰垂白遭亂離鄉城賊滿眼咫尺不得歸百年今
已半喘息能幾時桑蓬負初心蓼莪有餘悲慙愧朱買臣富

龍巢葉卷二

毛

貴能自期男兒生無成百齡亦何爲對酒不復飲把劍空欲
獻

寇退別詹魯賢

君家天台下我家瀾湖邊針芥一相投膠漆四五年倉皇避
羣盜妻子同一舡中途恐離散經旬各憂煎相見若平生相
依益相憐橫山樹歷歷東洲水濺濺山水非不佳旌旗日紛
然兩家妻與子一月夜不眠明發窺荆棘衣被裹囊篋暮歸
客榻下耳語青燈前葵心傾太陽杞國憂崩天逝將哭秦庭
乞師掃峯烟臨期賊遁去此志終鬱然坐閱明年春東風草
芊芊慘別牛城下相顧猶夔蛟重結生死交永矢金石堅

送京口劉千戶歸營

桓桓千夫長胸有萬甲兵生長太平世終日醉六經一朝著
兜鍪羅馬出瓮城擒賊不知數報國傾丹心台司方論功憲
節偕按行部曲嚴武威瘡痍撫罷毗寶刃洗荆溪鐵馬歸柳
營鶯花已春莫草樹猶血腥一雨殊足喜四野布穀鳴吳兒
賣戈劍買牛事春畊顧瞻天地間埃氛未全清何當盡埽除
丈夫功業成

過金陵明道書院訪友人高孟之山長適遇秩滿且有
側室洗兒之喜作詩賀之

客來鳳臺下適見生鳳雛斑斑五色羽啾啾百尺梧衆客席

龜巢葉卷二

三

上珍愛君掌中珠度曲紫玉簫瀉酒黃金壺起舞爲君壽試
啼呼阿奴梅花亦解事含笑立庭隅

過陳時舉宅畫壁

雙松歲寒姿拳石太古色我昔山中遊憇此松下石松花雪
霏霏松葉風瑟瑟安知此清景相對復今日拏空兩髯龍乃
在一書室主人罷鳴琴冥坐室生白客來苦炎熱傍樹欲挂
幘不聞天籟鳴但見空翠滴煩襟頓如洗林壑幽興適經月
數相過明朝有行役黃埃赤日中令人轉相憶
孫伯昭與陳天倪用簡齋一涼恩到骨四壁事多違爲

韻賦詩見寄余和答之

薄田西河上種穀多種秫秋雨喜甘霖床頭釀眞一我思山
中人不見如參商蒲萄好留客母用博西涼秋水漲百川無
人洗乾坤堪笑閭閻下空懷報主恩東齋可談書西齋可寄
傲山中儘寬閑俗客自不到淒淒草土霜耿耿天上月遙憐
兩淮地千里照白骨吾生西復東徒以口腹累懷哉安樂翁
不出時有四明月足可喜好句無用覓寒蛩爲誰悲唧唧鳴
四壁殷勤語兒曹要識一丁字明年世清甯依然重文事主
人錦鬢飭飲客金巨羅遙憐古岩桂香似廣寒多持身服苦
淡適口忘甘腴青雲丈夫志白首慎毋違

哀陶堯佐

并序

龜巢藁卷二

五

至正壬辰冬紅巾陷常州驅州民攻京口不從者殺之我
邑人陶君堯佐不幸爲賊所得且欲并驅其諸父昆地
以行君厚賂之以一身代衆人之急從至丹陽聞官軍
鼓噪聲卽倒戈刺賊渠墮馬因被害時吾里有識君者
旣而語其事於予予以君嘗讀書知逆順故誠信而悲
之閱二年方欲問諸水濱筆之楚史以暴自其難明之
志其族人有爲之後者葬君衣冠予述前所聞作詩哀
之

嗟爾練湖水不洗斯人汗寃血化爲碧春雨生菖蘂皇天有
老眼斯人亦何辜生當太平日三世家業儒本無薄力苦

被豹虎驅孰知能賈勇倒戈誅賊渠鐵石一寸心齏粉七尺
軀而家既能全而憤亦以舒但恨薰與蕪混然骨同枯華表
雀不返竹林啼鳳雛衣冠藏古丘魂魄遊清都擊賊作厲鬼
當與張君徒天意不可問愁雲畫模糊

兵後到杭馬椽史置酒見招且示以所與石處道丘長
卿西湖倡和之什次韻一首

西湖山色冷如灰前度劉郎今又來紅粉畫舫今寂寞斷橋
流水自縈回一堤寒柳風烟老兩鬢飛蓬歲月催賴有故人
能慰謝綠樽重對晚山開

西湖曲

龜巢彙卷二

三

西湖春水綠於酒西湖女兒嬌似柳依稀二月三月間攀折
千人萬人手我有一索青銅錢明朝也買下湖船試歌斷臂
孤兒曲湖上豈無人會傳

自錢塘回舟中懷馬椽史

省前山色翠欲滴幕下官曹清且閑公退每傾鸚鵡盞客來
頻燕鷗鳩班坐看急雨沾花席應念扁舟出柳灣白髮鄭虔
羶未煖還家方苦路間關

舟中懷辛至善

春草綠如許之人猶未歸江東雲度水馬上雨沾衣王事驅
馳久家鄉信息稀多情舊時燕還繞畫梁飛

望官軍

楊子江邊羣盜來奔牛
呂城飛劫灰客懷每日鬱不樂
笑口幾時能復開
東郭流離人似蠟
西村格鬪鼓如雷
官軍望斷無消息
獨立斜陽首重回

示長子木

菑澤聚羣盜池魚恐遭殃
喜今避地去溪上一葦杭
汝妻扶汝母小婢攜橐囊
卅角汝兩弟隨行色蒼黃
僕夫偕汝留家居謹周防
屋後林有竹林後園有桑
祖宗百家墳高樹蔭斧堂
汝爲吾冢嗣承家奉蒸嘗
興廢固有時生理無怠荒
但無溝壑憂可待時世康
鄉隣或侵凌勿與較短長
韓信跨下辱自度勢莫當
婁公面上唾不拭庸何傷
彼惡汝勿爲口亦勿播揚
天定能勝人善惡報乃彰
松柏耐歲寒葵藿傾夕陽
此身可齏粉此志勿改常
汝幼頗醇謹亦嘗聞義方
稍暇仍讀書慎勿弄杯觴
行看太平日斯文復輝光

嚴將軍戰馬歌

并序

至正乙未春常多盜省府調兵捕之浙東宣慰司元帥嚴公來總軍未幾無錫平移軍武進一日搗來富莊賊巢軍中失二馬明日賊乘之抗官軍烈塘上二馬聞金鼓來奔賊控勒不能止遂墮地馬立踞殺之賊衆驚潰官兵大捷故予烈塘之民咸神其事俾余作詩以美之

往聞齊軍夜路迷老馬前道人追隨又聞的盧躍檀溪漢業
復興西南陲古來良驥稱有德未有驍騰能殺賊將軍兩馬
馱賊來雲霧四起生風雷紅綃帕首爾何物霜蹄一路成飛
灰軍前認主鳴且舞驚倒熊羆與豺虎羣兇膽落不敢追官
軍凱還槌大鼓馬兮馬兮誠有功須知感物由元戎將軍接
迹武惠功煌煌史冊書勲庸爾馬名亦垂無窮

姻家尹居士世居金壇尹千橋其孫可傳者予女妻之

故避亂挈家依焉未幾寇兵自溧陽至予遂寄留家
具及古今書八百餘帙復回故邑作詩以別

烽火西來滿眼紅歸帆忙挂鶴溪風蛟龍劍伏豐城下科蚪

謝真彙卷二

三

書藏魯壁中邠老自憐能世守阮生誰信又途窮一杯此夕
知何夕兒女挑燈笑語同

贈花御史常待之尹晉陵

冰雪襟懷鐵面威井鄉重過思依依州官踟躇迎驄馬父老
歡欣識綠衣閩越地偏滄海接江淮屋遠縞霜飛舊遊還念
城東客白首持竿坐釣磯

過無錫口號

至正十五年十二月十五日丞相遠
識帖穆爾公赴江浙余因感贖而作

丞相樓船槌大鼓鐵騎前驅猛於虎紛紛鼠輩敢橫行與我

官軍戰河滸落日未落懸林稍一天殺氣風騷騷官軍縱火
鼠入窟太湖水濶陽山高相君賢似唐裴度豈無將軍如李

憇兜盔戴雪搗賊巢一夕湖舡竟飛渡我有一寸鐵願作將軍箭將軍三箭定陽山湖水依然淨如練

楊鐵崖先生既爲應芳序思賢錄又以應芳上書丞相不報作長詩贈行是用感激賦此留別兼謝

錢塘江上久爲客光範門前三上書喜得聞奇楊子宅何慚題柱馬卿車風塵鴻洞人皆恐冰雪崢嶸歲又除覓得驪珠三百顆橫山歸臥舊田廬

代簡蘇景瞻先生二絕

西門渡頭春雨生故人不來舟自橫聞道移家近湖住手栽

桑柘綠陰成

龜巢藁卷二

三

布穀聲中春雨生溪頭倚杖看春耕千戈滿地人相食宜爾龐公不入城

龜巢藁卷之二終

龜巢藁卷之三

元謝應芳撰

族孫蘭生參校

詩

感興

養竹成大林頻年竹生孫美竹非不多惡竹亦已繁群奴爲
沈之往哉聆我言美者慎勿傷去惡必去根勿虞爾斧缺勿
憚爾力煩宿莽蕩無餘清風仍滿園
樹頭鴉鳴鳴農人起芸苗問之何爾忙良田莠騎騎去年耘
較遲草蔓人力寡萋莠若不除卒以害吾稼吾聞農人語猛
省天下事養虎當害人玩寇亦如此

龜巢藁卷二

移家金壇尹千橋奉寄俞用中先生

辟地金壇縣懷人鐵瓮城戰塵今滿眼憂國豈忘情北固山
無恙中濡水最清卜居何處好爲我主鷗盟

大父卒宋末堊烈塘之東墓松合抱者數百株一旦爲
鄉豪伐去郡縣弗能禁愬之分省亦莫敢誰何應芳
痛憤於家形於夢寐至正十六年二月廿六日也

當年婦墓寒食朝紙錢挂之松樹腰今年無樹堪挂紙冢頭
挿竹風蕭蕭孤兒抱怨吞聲哭躑躅歸來臥茅屋夜深忽夢
蒼髯翁手足裹創頭髮禿告言淮襄荆楚間群兇殺人連數
年名門世胄皆赤族榷楠豫章何足憐吾方欲問天下事雞鳴

夢破心如醉髯翁恐是十八公天耶人耶誰降凶

五噫歌

大明胡爲而翳兮噫大凶胡爲而裂兮噫觸邪之鷹角胡折
兮噫祥麟在郊足亦則兮噫天乎遺黎豈至是而底滅兮噫

憶兄

八月中
結友

平生愛緇侶逃難亦與俱骨肉不相顧安危竟何如銅馬從
南來殺人成血渠一炬灰萬室九原槌含珠懷哉春鶴原何
時蓬華廬橫山絕高處獨立眇愁予

三五七言

角蛇啼翼虎飛百年鳳雛環五色鷓雛饑盲風怪雨已連月

龜巢藁卷三

二

青天白日甯無時

歲暮獨歸

浩浩北風吹戰塵還鄉無復見鄉人四郊荒草斜陽外一樹
寒梅野水濱偶有新詩題甲子忽驚初度過庚寅僧廬夜宿
明朝別默念我蒿淚滿巾

西膠山雪晴

寫呈無錫州尹遂蒙
罷吳家渡築城之役

一夜雪深二尺強石人墮指冰蚕僵猶喜金烏兩翅凍不折
天明飛出海上之扶桑老夫晨起膠山下風景看來渾似畫
連山萬頃玉爲田隔水數家銀作舍田中築城團義兵日高
未飯饑腸鳴黃泥凍地硬如鐵白柄短鉏鏗有聲不辭受寒

餓但恐虧工程將軍踏雪來點名萬夫鵠立顫且驚馬前壯
士五色棒棒頭性命鴻毛輕予生悔不習兵法雪夜擒吳書
奏捷客欄抱膝漫悲謔奈爾義兵寒若何

丁亥歲旦徐達卿席上作

主人飲客椒花酒笑語春風口角生久雨忽晴人共喜又聞

周鄭欲尋盟

元夕寓田舍有感

憶得去年王正月錢塘風雪正頻繁馬周獨酌新豐市韓愈
三書光範門喪亂不沾新雨露饑寒今憶舊田園嶽山西畔
孤村裏借屋篝燈過上元

贈錢夢弼

連雲第宅嶽山西喬木森森與屋齊萬國熊羆方血戰一林
鸞鳳自幽棲東風池館春如畫長日笙歌醉似泥吐酒鋪茵
容野客新年十日九招攜

丹陽陳天倪及其弟剛中奔牛陳心遠等諸羽士辟兵

洞庭山寄此代簡

洞庭林屋聚群仙問訊曾逢賣橘船湖上白魚多滿尺山中
朱果不論錢仙家犬吠雲連屋澤國龍吟水滿天辟穀有方
煩寄我吾將多與世人傳

陳大翁過嶽山客舍情話連日追悼母氏使應芳情見

乎詞

翁名師可字伯文
宋常州通判之子

外家親戚唯翁在相見猶能話阿孃三夜客窗同寂寞兩年
兵火各流離可憐今雨窮途客誰識前朝郡倅兒前世青氈
零落盡行囊留得數篇詩

大慙寒食聞鄉信口占

隣舍驚呼避蝮蛇老妻嗔怒唾烏鴉誰知昨夜三更雨又送
春風一度花寒食清明人上塚夕陽芳草客思家愁來復遶
青山去何處壚亭酒可賒

訪孟伯堅周履道不遇

班馬文章駕並馳雲龍追逐去何之門前流水垂陽柳屋上
四

龜巢藁卷二

青山斗子規三月又逢修禊日一觴還憶太平時可憐潦倒
無家客滿目風塵兩鬢絲

刺促行次履道韻

刺促何刺促江上秋風破茅屋誰憐杜少陵長歌之哀甚於
哭故山可望不可歸鬪髑臺高春草綠浮雲淨日竟誰洗烈
火連天勢難撲三農不復把犁鉏風雨荷戈城上宿於乎人
生有子作征夫不如返哺林間鳥

題春林雨意圖

前山後山雲氣濃欲雨不雨天無風記得去年初夏裡此時
艇過瀟湖東

懷周履道

平生多朋遊窮途見交態每歌秋杜詩重念伐木廢孰謂新
相知情如舊親愛手書辱殷勤授榮慰行邁老我無能爲執
得心未艾秋風自搖落松柏歲寒在

狗寨謠

往聞淮西軍食人狗亦有寨屯如軍是時江南幸無事尚謂
傳者言非真安知吾鄉今亦爾地方百里皆荆榛三村兩村
犬成群見人如見東郭魏跳踉大噉猛於虎坡陀高踞聲信
信路旁青草堆白骨天外飛鳶銜斷筋征夫早去胆欲落冤
鬼夜哭情難伸可憐性命葬饑腹徃徃多是還鄉民向來喪
家狗絕食遺骸或與狐狸分乘時爲暴至若此此事千古同
悲辛寢皮食肉不可得張牙弄爪何由馴虞廷九官分厥職
益必掌火山澤赫犬乎犬乎胡不革爾心全爾身主爾主隣
爾隣搖尾乞食仍相親母使犬砮之名天下聞

壽玉山人

黃梅雨歇南風清綠槐如雲陰滿庭胡髯雪白雙眼明長
日細字箋龍經有時忽著道士服騎鶴三天奏符籙天上神
仙知姓名人間富貴羞馳逐翁年已耄何憂鏤姪娥應授長
生藥我來避地方卜隣翁與談天甚爲樂酒邊卻笑磻溪翁
吾年與同心不同鷹揚未若漁釣好周家自有群熊熊平生

毛穎與親炙老去麴生尤莫逆白鷗之盟君勿渝門外紅塵
一千尺

八月十六日顛沛中見顧玉山蒙置酒嘉樹軒相與劇
談痛飲懽如平生且有來文草堂之約既醉而別賦
此以贈

來往東吳三十年吳人多示好詩篇片言堂下知醜蔑一咲
樽前壽魯連嘉樹連雲秋不老桂花如雪月仍圓烽烟只隔
重湖水且爲交歡理素絃

留別顧玉山將往杭州卜居

垂白遭多難蒼黃走四方吳人今入貢越寇復侵疆百戰山

龜巢卷三

六

河破三邊草木荒軍容皆赫赫徒御亦揚揚學士思投筆農
夫習臂搶誰令綱紀壞未改瑟琴張卓爾文章伯平生錦繡
腸琴書曾不廢軒冕迥相忘愛客座常滿耽書夜亦忙登龍
嗟潦倒睹鳳與翱翔說項口不輟留髡興甚良百篇詩唱和
屢舞酒淋浪老驥羞跼伏饑鷹欲遠揚憂天如杞國辟地卜
錢塘丞相開新詔除官率舊章覆蕉曾有夢腐草或生光蕭
颯雙蓬髻漂搖一葦杭第慚金自躍何似玉能藏海底珊瑚
赤松根琥珀香明朝重回首嘉樹鬱蒼蒼

贈道傳上人

偶識廬山遠山莊借屋居撥雲分臘酒踏雪送寒蔬門俯溪

光迥窗含野色虛相過兩不厭灯火案頭書

送蔡伯昇避兵澱山依故人

典衣沽酒積沙頭送客攜家訪舊遊
虎窟攜來桃竹杖鷗波蕩去木蘭舟
黃楊偶厄今年閩老菊重逢九日秋
覓得桃源堪辟世結隣當與老菟裘

陳湖夜泊

湖平溪水清如鏡照見潘郎兩鬢斑
帶箭飛來何處雁一聲哀怨入雲間

訪澱山因自明習無學二禪老

西風滿帆天所假扁舟過湖快如馬
欲尋漁父問桃源因訪

龜巢藁卷三

七

高僧過蘭若南能北秀兩魁奇
翠竹黃花總瀟灑相逢握手問流
落試爲從頭畧傾寫生居楊子大
江頭老我延陵力田者羣凶西來
火三月四境更無茅一把鄉隣死
戰血漂杵妻子生擒肉爲鮓隨波
幸若魚漏網失窟驚如覩在野山
中碧松堪療饑池上白蓮宜結社
欲語同行有髮僧數見不辭禪板
打

懷玉山隱君并簡其子國衡

錦翮鷓鴣海上回無端鷗鷺失驚猜
青山靜對機心息好客相過笑口
開魚躍冰池堪入饌蛆浮鴈盞足
持盃官軍赴敵忙如蟻奈爾重門
掩綠苔

懷袁子英

疇昔尋君竹浦西，芭蕉葉上姓名題。別來歲晚相留戀，行到窮途孰指迷。兩髯風霜秋颯颯，一篷烟雨晝淒淒。遙憐冠蓋重陽里，長伴山翁醉似泥。

懷諸葛用中

每憶君家書畫舫，夢魂飛繞太湖邊。千戈滿地無休日，萍梗他鄉又一年。西北天高烟霧隔，東南海濶水雲連。何當覓得蓬萊路，相與從遊采藥仙。

至正丁酉冬玉山燕客芝雲堂適有時貴自海上來以黃柑遺之玉山乃分餉坐客且曰吳中以連年擾攘

無之今有之諸君子不容無詩故有是作

龜巢葉卷三

八

青巾西來人食肉迓難西來采黃獨上書不伏光範門忍饑甯負將軍腹玉山燕客客滿堂香柑新帶永嘉霜分金四座照人面漱玉三咽清詩腸山中椰瓢大如斗吳姬擘來薦春酒酒酣遙指洞庭山爲問木奴曾貢否頻年爾浙阻兵戈黃柑陸吉不相過此時共享此嘉果胡不取醉花前歌漢廷傳柑還賜宴應念江南久征戰聖恩有詔息蠲租可奈數州人已無

贈緇元臣何士安二省卽

冬十二月一雨滂淒江水高三尺強翩翩使者傳令急蕭蕭

官軍赴敵忙日出山頭雲氣白春回海上柳枝黃撻書明日
報樞府連璧少年增寵光

錢夢弼移舟過姜里後三日予往見之適夢弼臥疾董

子正月賦此爲別

墩山之別苦倉猝甫里相逢說亂離喜見新年正月重瞻
舊日漢官儀酒盃不借金魚換藥杵何勞玉兔持借問董家
雞其犬有無祥瑞似前時

謾興十一首

甫里水東頭垂蘿繫客舟客心清似水吟鬢白於鷗詞賦知
無用干戈苦未休蓬窗三日雨農事憶西疇

龜巢藁卷三

九

五十不富貴蹉跎又六年新愁添鶴髮故國暗狼烟白帽看
雲坐青鐙聽雨眠疑兒書懶讀翻笑腹便便

吳地方千里齊民總荷戈人生無可奈天運竟如何米市黃
金賤沙場白骨多故山時一望老眼淚懸河

伐木燒官炭中林霹靂飛窮猿無可擇飛鵲更何依野雨生
稗稗山風長蕨薇兒曹能采拾猶足慰年饑

吳女何多巧吳趨作楚聲市廛方易肆朱粉復傾城壓酒桃
花塢彈箏細柳營將軍正年少相顧若爲情

闔閭城下柳誰種綠陰成樹繫浮江馬枝遷出谷鶯我朝方
用武僧寺總屯兵猶喜湖田熟街頭米價平

田舍方東作州家要義兵
瀕湖圍水寨
廝石磬山城柳暗村
烟煖芹香潤
雨晴荷鉏歸
未得布穀爲誰鳴

盡道從軍好
封侯甚不難
羽書頻報捷
相府卽除官
北鄙烟塵遠
東風雨雪寒
腐儒人共笑
白首鹿皮冠
赫赫千夫長
搖搖四檣舡
舡輕如躍馬
寇退欲歸田
簑笠松江上
犁鉏穀雨前
只愁邊報急
生計又茫然

太湖三百里
流血水雲腥
戰鼓有時歇
漁歌無處聽
飄零孤雁白
慘愴遠山青
題橘音書斷
令人憶洞庭

近聞哀痛詔
使者又江東
兵革何時息
車書四海同
落梅春雨後
芳草夕陽中
俛仰長流涕
窮途一老翁

龜巢集卷三

十

顧國衡萬戶席上與乃翁及元璞長老等數客把酒賦詩各成七言四句韻

客來寒食清明日
每日春風醉玉山
綵筆醉題鸚鵡賦
寶香頻爇鷓鴣斑
簾前修竹翠欲滴
池上小桃紅更殷
按得錦箏新製曲
隔花黃鳥共間關

宿壽上人山房再和金西白長老韻

春來淮楚兵方息
今夜村莊犬亦甯
分得梅邊半窗月
借看松下兩函經
屋山風颺茶烟白
江浦雲連樹葉青
來往風流似支許
獨慚吟髻已星星

訪積善寺貴上人適與旌德寺學無爲明月庭四人年

皆五十有六酒邊聯句其成一律旣而各和一首

四人二百廿四歲

通翁

一日酒傾三百杯

月庭

醉裏不知浮

世狹

無爲

吟邊但覺好懷開

應芳

春雲冉冉連江樹

月庭

晴

雪紛紛落野梅

通翁

邂逅相逢離亂日

無爲

醉鄉佳境亦悠哉

應芳

又和

四人二百廿四歲野老浮家僧渡杯共喜江湖春水靜適逢
西北莫雲開神仙換骨元無藥宰相調羹自有梅旨酒正須
終日醉醉鄉佳處亦悠哉

送梅州判之崑山

龜巢藁卷三

七

百戰歸來佐一州貂蟬從此出兜鍪山城近海金湯固市舶
通番食貨稠下馬正逢梅子雨勸農須趁麥花秋薦賢不負
尙書意治最功成秩更優

端午日瑞光寺西白長老方丈作

藕花池上端陽日菖歎香浮藥玉瓶可喜山僧能好客常容
野老醉迓禪連宵雨漲三江水當午雲開一鏡天醉倚浮圖
望鄉國橫山依舊暗烽烟

對雨書懷

書生得句百憂忘更喜新知共一方醫士爲焚賒藥契
隣僧借與讀書床
指壽道傳十年鄉國烟塵暗五月江村風雨涼
指願彥文

不用弱流三萬里地無豺虎卽仙鄉

次韻贈管伯齡

風塵連四海身世等一漚斯文幸未喪同類猶相求
蜉蝣果何物敢作撼樹謀諸公新亭淚可笑學楚囚
我無西園金孰問東家丘嗟爾一片玉產此崑山州
天門九重深獻納亦未由江村茅屋雨湖田稻花秋
門外車有轍江村水長流時無華子魚幼安誰與儔
濯足弄雲水商歌興悠悠胸蟠五色線雖視百尺樓
鐵芥適相遇珠璧驚暗投酒杯接殷勤詩盟結
縹緲千金享傲帚猶曰不易酬新知如故交一笑忘
百憂停桴問蒼天干戈幾時休金風雖乍起火雲未
全收溪橋柳陰清繫我三日舟膠執不忍別相期重
來游

龜巢翼卷二

七

甫里先生

有田二頃可無官况復時危行路難丹鳳徒勞銜詔下
白翎自放出闌看春從顧渚隨茶竈月向淞江伴釣竿
舊宅不知何處是浮圖樓閣倚高寒

次韻袁子英過吳江兼簡琦龍問

孤城當澤國潮撼勢如浮挂杖尋僧寺長橋繫客舟
江寒楓葉落湖暝蝮蛇遊寄語龍問子詩盟莫負鷗

江上女和子英韻

妾生吳江上阿翁最鍾情十五嫁夫婿紅顏如舜英
別來各

天涯所共唯月明妾守江上宅夫戍邊頭城江上畏行露邊
頭防斫營一朝義當盡性命鴻毛輕死願化蔡藿爾爾心同
傾

送顧玉山遊東南諸山

我愛向平子婚嫁畢兒女平生掌上珠棄置若敝屣百事不
挂眼五岳縱遐武朝與麋鹿遊莫與泉石伍泉石初無情所
喜絕塵土松風出林磻笙瑟音調古但聞幽鳥鳴猶勝俗人
語咄彼貪墨徒臍燈照金塢遺臭千萬年其禍皆自賈吾知
平子心夙昔慕巢許矧兹風雨秋摧蘭折蘅杜往哉山水窟
幽期赴緇侶解纓濯滄浪茗花八風舞老我病江沱臨風爲

龜巢藁卷三

三

延佇

和顧仲英金粟塚燕集詩

我昔過北邙立馬山之隈爲問壠頭樹皆云後人栽生前樽
酒誰不有無人到此自對青山開屋堆黃金五侯貴難免白
骨生蒼苔最憐吉士或枉折有如爨下焦桐材玉山先生
觀者胸次不着閑悲哀清秋攜客坟上飲麴車載酒山童
大笑胥魂乘白馬深慚鯨魄化黃熊墓銘自製身自挽視身
不翅輕如埃鸞翔鳳翥玉箸篆虎踞龍蟠金粟堆雀羣三繞
喜樹舞龜趺並載豐碑來長唵復短吟此興何高哉秋風無
情摧萬物芙蓉亦老胭脂腮笑言他年翁仲共寂寞何如此

時賓客相追陪功名絕愁根富貴脫禍胎百年能幾日一日
能幾杯從茲秉燭長夜飲猶恐二蛇四鼠忙相推主人爛醉
客亦醉絕倒不顧旁人哈北望中州數千里人家盡作兵前
灰鬪體委江郊多是賢與才忍饑自作首陽鬼獨醒誰念湘
江纍神仙初無不死藥方士浪說尋蓬萊君不見無邊之海
白淼淼無名之山青巍巍長鯨噓吸成風雷徐市一去何曾
回

玉山以予徙居淞江設席書畫舫邀袁子英陸元庠恢
上人用江東日暮雲分賦以餞予得江字用以留別

野老浮家雙日屣捩柁欲度吳淞江東將入海釣濤龍玉山

龜巢藁卷二

十四

山中別老麗西池之屋如輝艘左圖右史堆滿窗燈花搖搖
落銀缸葡萄灑灑傾玉缸四簷白雨飛流淙者裂媯石銀河
澤主人長歌客按腔翕然鐘鼓相擊撞酒酣捉筆如長杠千
軍可埽鼎可扛諸公大才齊楚邦騷壇老將霖磨幢客來投
戈乞受降乃辱贈以白璧雙明朝短纜擊舊檣馮夷前驅鼓
逢逢海濱懷人倚石在書筒時寄黃耳虬

來龜軒詩 爲顧玉山作

維歲之初兵闐邑里我鏑其肩以辟以徙今我來思室有爾
龜我墉弗穿爾從何來委蛇委蛇爰曳其尾來龜之祥云胡
不喜我戶伊威我牖蠨蛸嗟我婦子亦孔之勞爾其泥塗我

室我家豈不爾思以名其廬瞻彼池水有蒲有蓮爾居爾游
宜永其年

袁子英偕宗別傳過天慧庄因獲晤言夜語之餘口占

以贈

短髮蕭蕭雪滿簪老禪方丈挂瑤琴月明每憶許玄度歲晚
同來支道林四海干戈猶在眼百年軒冕總無心梅花玉立
西窗下相伴哦詩到夜深

子英與玉山顧隱君今於同里法喜寺樓居日抄佛書
至午而止餘暇則吟咏不輟雖親舊來訪亦不往答
焉余因子英復去作此代簡

龜巢藁卷三

五

客來喜得平安信蕭寺樓居日掩扃湖近浪搖窗影白地偏
苔沒履痕青羣賢方結蓮花社小楷猶抄貝葉經歲晚扁舟
來甫里好尋漁父過寒汀

送照元明住白馬寺

老梅飛去迹猶靈七十二峯湖上青已喜黃龍新說法無勞
白馬遠馱經六時花雨狻猊座五色雲開翡翠屏掬取寒泉
同煮茗予將歲晚過禪扃

冬至日陪高太守坐愚隱山房讀易有感

一殼渾沌破二氣從此分消長固有時燮理亦在人云胡數
年內濁亂暗楚氛維時當嚴冬袷衣煖如春中林竹抽萌花

開雪紛紛陰極陽復生踐長喜茲辰蒲團踞禪榻芸窗對爐薰
筌蹄謝支許羨墻見義文嗒然我忘吾萬事何足云

人日懷管伯齡及杜玉泉昆仲定一上人

吳淞汀藕春水生美人不來舟自橫一年又過牛羊日四海
豈忘鷗鷺盟管甯白帽傲軒冕杜陵名家多弟兄結社香山
僧更好野老何緣與姓名

劉景儀寓崑山永懷寺除日作詩三十韻見貽時子客

薦巖方丈次韻答之兼呈兩山主人

遭亂心如醉偷生鬢已華一年看又過幾度發長嗟淮海浮
羣馬荆蠻鬪兩蛇妖氛渾不散殺氣轉相加倦客誰相顧高

龜巢集卷二

七

僧意孔嘉燒香談般若倚樹聽楞伽風月三生石文章五色
霞塔前時剗草坐上或拈花我下南能楊君居北秀家龕豪
咲俗子歌舞擁高娃重費纏頭錦重敲拍板牙何如依有道
樂此寂無譁法喜常親炙塵心亦變化濟河求巨筏出宅問
三車兵火西來盛神京北望賒憂天同杞國賦雪擬劉叉兩
寺齋鐘應孤城戍鼓搗朋遊欣密邇世務奈紛拏袞袞華軒
雀喧喧晚樹鴉餘生知有幾學步恐成差故國歸心切烽烟
望眼遮衣冠無噍類戈戟亂如麻不識蓬萊路那逢博望槎
憤秦思蹈海悲楚欲懷沙竊比君臣蟻誰憐喜怒蛙桃符驚
節換萍迹寄天涯君憶蘓堤柳子懷陽羨茶吟篇聊偈和醉

筆半欹斜此意方相得前言匪敢誇尙期金百鍊永保玉無瑕

聞顧玉山芝雲堂火而所藏之書俱焚恐其不能爲懷
寄詩釋之

誰將蒸焰觸羣書腹笥便便自有餘得失永須論塞馬平安
聊復問池魚草堂留客仍投轄香徑尋詩可曳裾別院海棠
春滿眼重來燕子喜何如

和玉山初夏言懷二首

聞君久約東林老林下棲遲避俗塵蓮社不妨陶令醉韭菹
誰信庾郎貧蘓湖渺渺田皆水淮楚茫茫草沒人春去百花
先自落五更風雨况相因

龜巢葉卷二

七

四海風塵渾未息一時天道豈無知待看雨散雲收日依舊
山青水綠時死欲便埋童荷鋪生能自挽手裁詩道人風致
清如許行路相傳口似碑

再用前韻寄悅堂長老

松雪孤標孰與倫烟霞一室靜無塵清談每日能留客自說
平生不患貧城郭含輝山韞玉塔除聽法石如人曇花不逐
春紅老信與東風別有因

老虎兒孫到鳳池聲名曾徹九重知鶴書天上願恩日狎座
山中說法時寸草不忘慈母報白華無愧古人詩春秋直筆

黃夫子曾爲東林著二碑

踏車歌

吳田水深三尺許總是去年秋莫雨勸農使者催春畊田甲
頻搗水車鼓江村破屋能幾家家婦姑俱踏車蓬飛兩鬢
赤雙腳亦有兒女雙髻了淞江太湖愁滿眼白圩沾衣足生
跡車論輓輓羊角轉水波翻翻龍舌卷春來十日九不晴怕
聞鶉鳩呼雨聲滂沱纔俾片時久辛苦又加三日程當家豈
無夫與子打魚日糴去城市城中禁米難出關田上忍饑還
戽水四郊未種圍田穀三邊已運官倉粟安得木牛爲木龍
運水疾於牛走陸西林日落田婦歸隕岸白烟魚虎飛詩翁

龜巢葉卷三

支

獨立長太息何處青山有歲薇

和陶菊庄郊行二首

崑山春煖玉生烟滄瀆潮平水接天行到滄洲人寂寂坐看
青苻葉田田
十年四海暗烽烟五柳先生醉樂天芳草夕陽江上路獨憐
春水滿湖田

梅子玉判官勸農過客舍口占以贈

婁江之南一萬家葑田水深忙踏車喜有春禽鳴布穀幸無
夜雨漲桃花州倅勸農頻出郭野航牽纜小如瓜白鷗也似
知人意引領相望立釣槎

觀浴佛有感

銀盤水浴紫金身
白髮禪和拜跪頻
周孔豈無初度日
諸生誰爲薦溪蘋

和顧玉山重構釣月軒

虎戰龍爭無了日
他年誰是復誰非
諸公圖像凌烟閣
此老逃名釣月磯
新雨一池荷葉長
南風四月棟花飛
我來喜聽滄浪曲
欲挽遊絲繫落暉

夏夜作

五年兄弟各西東
兄在今年七十翁
戎馬此時猶塞路
羈鴻何處或傷弓
對床夜聽空塔雨
擁被秋吟破屋風
夢裡不知

龜巢集卷二

七

身是客覺來愁絕淚沾胸

陪梅州判智長老石教授陳維兄壽上人等遊姜公墩

小酌梅以杜子美興來今日盡君歡分韻得日字

白雨洗炎熟清風洒瑟瑟
梅仙約幽尋邀我杖藜出
同遊得名緇飄然興俱逸
移舟泊釣渚看竹過僧室
行行陟高丘蒼溪樹陰密
崑山含玉潤巋然如卓筆
羣峯太湖上雄勢爭翠
嶺江平早潮回風急去帆疾
梅仙最多喜播種農事畢
青苗匝吳田芳草眠繭栗
斯民久塗炭天意諒深恤
兵餘幸豐年一飽百憂失
懽然各有慶雙榼酒盡吃
安知艱虞世得此閑暇

暇日幽情寫絲桐餘懷聊短述

次韻贈虛中講主

三支高論久寂寞一鼓雷音號令嚴正法眼明岩下電玄機
味若水中鹽池蓮玉立天開鏡庭竹金聲風倦簾大地政須
沾化雨蹄涔甯許老龍潛

六月廿二日愚隱和上以詩留別往磧沙寺以寓錡錫

詩末句云一聲短笛滄江暮收拾絲綸下釣臺予次

韻二首送之既而懷磧沙諸友復就韻代簡

一曲滄浪歌未了滿船明月賦歸來俗塵自暗人間世不着
纖毫惹鏡臺

白髮道人無住着磧沙湖上去還來湖深六月天風冷花雨

龜巢蒙卷二

二

吹香般若臺

右二首送愚叟長

誌公刀尺傳家久船子絲綸罷釣來一鏡湖光照樓閣共看

明月坐高臺

瀕湖金剎清涼境冠蓋時時聽法來刮目試看天下士幾人

胸次有樓臺

右二首寄剛中長老

長歌白雪無人和近喜碧雲禪老來龍女獻珠烟水國馮夷

擊鼓雨花臺

一牛鳴地長相憶賴有尺書時往來白馬山人獨遠孤雲

落日在琴臺

右二首寄開野舟兼懷照元明

連日顛風吹海立幾時飛錫過湖來絕憐湖上林泉好六月

清寒似五臺

右寄益以道

劫火烟銷江總宅
斷蓬風轉海濱來
干戈未息衣冠老
誰築黃金聘士臺

右寄江叔廉

寄趙君綽

舊家公子老儒冠
詩卷梅花共歲寒
湖上月明攜客飲
樓前山色枕書看
十年四海風塵暗
久旱三湖水澤乾
滿目天雲秋復熟
敢題尺牘問平安

送扇贈趙執中

送子扇一握呼兒書
八分相望湖上宅
只隔隴頭雲
南國多秋熟
西風有楚氛
庭幃清枕席
持此奉殷勤

龜巢集卷二

五

寄天章上人兼簡陶菊庄

東林花雨滿衣巾
文采風流有若人
留客看山常滿座
開軒臨水迥無塵
娟娟烏鵲橋邊月
灑灑葡萄瓮裏春
朝夕往來陶博士
應拈醉筆賦詩頻

簡西白長老

高情每向詩中見
怪事今於病裡聞
船子逆風牽纜去
葦花飛雪暗江濱
雁來南國邊聲遠
鴉集西林野色暝
咲拂袈裟
歸櫓李秋風
塵土自紛紛

贈費克明知州

崑山之石白如玉
婁江之水涅不緇
試持山水比州牧
願德

清白同於斯吳儂賴公父母慈遭時艱危蒙撫綏盡令賣刀
買牛犢不失與國充耘耔訟庭無人辨雀角圓扉空鎖生蛛
絲獨憐沃土重租賦瘡痍不忍加鞭笞早騎羸馬戴星出晚
踏月明歸來遲紛紛公務日不暇炯炯此心天弗欺每延多
士談禮樂頓覺喜色浮鬚眉菁莪方育泮林雨薺麥當茂冰
雪時未擬文翁能化蜀已過魯山無紫芝蜚聲藉藉動藩府
將徵九重天子知

夏五聞吳門湯君說以書見寄既而茫然九月末因馬
吉卿來甫里詢知君說仍居閑詩以代簡

不見故人逾六載曾聞書札寄多時浮沉江上知何許淪落
天涯有所思老驥未應甘伏櫪驚鳥可是別無枝欲過竹所
尋袁粲每望山陰憶戴逵策策西風桐葉盡淒淒寒雨菊花
遲幽懷每日如中酒世事頻年似奕棋一咲相逢期未得邊
塵滿眼髯如絲

送愚隱長老主萬壽寺

青山無盡處

戎馬廢六籍三乘亦多魔中流屹砥柱猶能障頽波吾師雲
臥久王公禮爲羅說法繼禪月珠林雨曼陀宏開甘露門諸
根並漸摩一鼓氣復作天龍衛烟蘿秋空雲霧開佛日光輝

多

題林泉雅集圖贈杜玉泉

泉翁愛山如愛客到處好山皆莫逆腳根不浣京洛塵面紋
長帶烟霞色奚童抱琴翁曳履長日山中看流水萬松清籟
響如絃滿地白雲吹不起桂風蘿月秋復春野花幽鳥情相
親巢由相去數千載黃綺以來能幾人山顛水涯風物美都
在我翁詩卷裡莊周夢蝶夢周覽是圖者同天游

寄屈時中諸友

白蠡塘南烟水村伊人辟世若桃源家家雞黍留賓客夜夜
熊丸教子孫慈竹叢深冬笋出野梅冬煖早花繁扁舟一夕
乘清興我亦來敲月下門

逢鄉僧昱東明

龜巢葉卷三

三

他鄉逢着故鄉人叙舊情如骨肉親猶喜吾兄存爾子俱從
釋氏窵三生煩君爲寄平安信道我今居寂寞濱何日浮杯
來甫里寒窗鐙火話酸辛

梅子玉董版築於杭城別去日久區區思懷作此以寄
錢塘江上石頭城畚鍤如雲杵雨聲兩袖西風騎馬立五更
殘月聽雞鳴銀餅犒酒平章喜金鼓還州父老迎力盡東南
非一日政須遣愛撫孤甦

奉寄楊鐵崖先生

光範門前三上書先生曾爲發長吁畫橋楊柳藏書屋鐵笛
梅花落酒壺偶遇故人論北海相思一夜夢西湖由來海內

誇長句肯寄浮家野老無

寄題顏悅堂城南小隱絕句五首

爲愛城南水竹幽高人結屋近滄洲東園十畝蹲鴟熟足擬
人間萬戶侯

門前流水與江通屋上青山與畫同文武衣冠來聽法紺園
長繫玉花驄

象龍入室動成行燕雀隨人亦自忙白髮老禪揮玉麈袈裟
猶帶御爐香

屋頭新植青松樹池上重栽白藕花元亮孤舟靈運屐不妨
來與共烟霞

龜巢葉卷三

三

客來多是一宿覺我亦幸有三生緣扁舟過門清夜裏烏几
燒香綉佛前

題淵明采菊圖

一官棄如屣三徑今來歸言采東籬菊如彼西山薇秫田未
熟壺無酒白衣攜來恰重九今年不識是何年且爲黃花開
笑口非無小窗膝可容花前一笑樽已空衰顏得酒借春色
霜染樹頭秋葉紅先生之貧人共惜先生之心人莫識大履
難將一木支迺入醉鄉聊自適

玉山邀至同里法喜寺飲別是夕酒醒夢回宿雨初霽
月明可喜卽景賦詩兼寫送別之意

風吹雨腳斷月到天心明孤窻有清夢荒雞非惡聲南浦明朝別西湖幾日程杵詩人正苦莫上石頭城

寄愚隱長老

別後逢人問北山吳門弟一古禪關江湖鈺錫多依倚文武衣冠數往還鐵騎解鞍祇樹下金魚換酒雨花間最憐丈室雙童子捧茗燒香不暫閒

寄虎丘居中長老

初春舡過百花洲不謁問丘謁虎丘古徑入門蒼蘚合新城繞寺翠嵐浮游方每學僧行腳驅法當隨石點頭更覓西菴修竹裏寒泉一酌薦前修

龜巢藁卷三

五

和玉山掛閣

寒窗誦君詩字字黃嬀婦嗟君遇連遭蛇虎嚇前後毅然能忍性不矯亦不採黃金本何物一任化烏有胸中耿耿在依然舊衝牛斗大兒萬戶侯金印已懸肘小兒未強仕詩禮方受兩娥遽奔月星橋吹天狗更憐鳳臺女先亦辭父母君能悟空幻視身等塵垢哦詩作遊戲一日凡幾首開樽飲詞客綿茵從醉嘔愛賢眼常青垂老髮仍黝逆境雖滿前百戰喜不負憧憧彼貪夫富貴爭進取力强誇拔山勢熱可炙手美新皆楊雄託孤誰杵白龍爲堅白論衍事雌黃口何如玉山人不失素所守愚也比方皋識馬忘牝牡傾蓋卽相知論交

成耐久歲寒松栢青先零愧蒲柳鄉來九折阪此日一杯酒
豪吟鬼神泣醉筆蛟蛇走萬事付忘言太山同培塿

焦任道欲過壽上人山庄并與僕相見前期以詩見貽
傳和之邀僕同賦

舊說今家有墨莊新詩今見墨雲香閑來林下尋緇侶當爲
墻頭喚索郎邊境日來西寇近滄江歲晏北風涼先生素識
融公嬾莫怪而今不下床

再和韻寄趙彥深

平原公子午橋庄草木當年雨露香桂樹不嫌招隱士桃花
應喜識漁郎錦茵醉酒冬宵暖水檻垂綸夏月涼我亦欲拈
橫玉去爲君三弄據胡床

龜巢彙卷三

美

次韻寄杜玉泉昆仲

授書不逢黃石公采藥不遇龐眉翁杜陵名家好賓客客裾
來曳梅花風德哉若人氣冲融煥然釋我心怔忡張鐙爲展
風月宴坐客爲展冰雪容火蛾熒煌吐星斗金鰲鼉屢移方
蓬高年垂及絳縣老合歡要策青州功唾壺玉缺擊如意臂
韞珠脫攜歌童航舫浪翻翠袖濕笑絕如舉驪山烽紫雲一
曲歌未了陽鳥飛出扶桑東明朝仲氏復迎客百花潭邊收
釣筒長魚斫膾白於雪葡萄新釀青若空高堂坐擁肉屏煖
寒士無復鳴秋蛩溪山相映色俱喜塤箎迭奏情無窮老夫

生長近吳下所恨白首方游從頻年坐我塗炭苦此日置身
仙子宮已令沉涵恣爲樂尙論古人容折衷賦歸旣無田種
秫獨醒敢誇衣集蓉銜杯樂聖非易得良辰美景眞難逢論
交不以車笠異忘形且喜襟期同咄彼貪夫逐名利何異糞
壤蠅螂蟲蠻爭觸戰更堪笑要於蝸角稱蠶叢邊隅風塵莽
浩浩天門烟霧深重重世云酒爲知己飲可不整爾琉璃鍾
扁舟往還渡吳淞泗橋且喜春潮通興來徑去造竹所碧灣
樹下維短篷祇慙詩債償未了毛穎爲我長匆匆此詩聊寄
前日事此韻乃和前年冬分柑細君與說頂眉案坐對如梁

鴻

龍巢彙卷三

三

碧雲山房分韻得簪字

古寺雲林靜春宵風雨兼阿師如惠遠有酒醕陶潛海味分
苔脯園蔬摘韭尖金蕉傳四座銀竹瀉層檐談辨情相洽醺
酣意轉歡燭長紅未盡瓶罄綠頻添小令皆毛舉新詩各口
占襟懷雖曠蕩格律自清嚴浪雪翻茶鼎香烟繞竹簾偶論
蝸國戰因笑楚人鉗老去甘藏拙開來得養恬青松知此意
相對一掀髯

雨夜懷朱澤民

一天風雨夜漫漫獨爲先生發永歎杜甫數椽茅屋破鄭虔
三絕坐羶寒鶯花紫禁回頭夢烟樹青山抱膝看最憶舊遊

諸閣老別來零落漢衣冠
風塵望土情猶在
和鄒弘道諸公遊積砂寺
積砂形勝接蘓湖
風物於今入戰圖
獨爾積砂仍似舊
諸公杯酒不相孤
遠山雲歛千峯出
幽樹春來百鳥呼
白髮老僧盡膝坐
笑看車馬陟危途

次韻寄路以道

笑將簪笏棄如泥
出郭移家住水西
芳草喜人車轍少
遠山齊戎屋簷低
門前古樹慈烏集
梁上新巢乳燕棲
更喜東橋僧舍好
桃花多似武陵溪

送居南山還嘉禾

歸真菴卷三

三

橋亭亭前水接天
陽侯曾此洗龍泉
道傍已伐將軍樹
湖上今題畫舫滄
海揚塵知幾度
黃楊厄閏又今年
因君與說干戈苦
相送臨城一愴然

題李白月下泛舟圖

青蠅觸起脫靴時
飛燕嗔人鳳亦疑
杯酒佯狂江海上海
上此心唯有月明知

七月二日過益上人問疾因過路以道山人家飲酒樂

甚詩以謝之

新秋去謁病維摩
因與山人醉薜蘿
頭戴鶻冠堪入畫
手鳴魚鼓更能謔
竹邊亭子清風細
壁上詩篇好客多
從此往來

溪路熟扁舟乘興數相過

賀梅同知遷秩二首

我愛朱絲絃其音淡如平爲人滌邪穢妙理通神明良工繫
錦瑟選練亦已精移柱喜更長白雲風冷冷
我愛青銅鏡炳如秋月圓爲人別妍媸毫髮俱了然織塵不
受汗光輝人其憐政須重拂拭玉臺更高懸

窈窕誰家女

窈窕誰家女依稀慕璫樹向來適良人門戶比房杜今年遭
疾難飄零太行路風雨道傍花不失春態度珠簾十二樓燕
子忍辭去合歡會有時無勞嘆暹莫

龜巢彙卷三

三五

吹韻寄呈謝杭州

金湯險據鳳凰山日月遙瞻虎豹關每見題詩懷故舊也知
爲政有餘閒慈闈一飯雙魚美衙鼓三拋五馬還細說平章
親更喜黃金橫帶綵衣班

中秋日玉山顧仲瑛邀翟明府份陸良貴仁秦文仲約
等十人飲金粟塚上酒酣賦詩各成一首

憶昔辟戎馬放權來北山相逢適中秋展席解愁顏安知復
今夕嘉譙集羣彥烽烟雖未息眼底喜不見華月出松杪靈
廳散天香古稱死便埋荷鍤童在傍酒酣各賦詩其樂勝鐘
鼓柱頭老令威爲作八風舞人生不飲酒盃盃空匱前寥寥

數千載孰與劉伶賢

贈章彥復省椽

相約攬秋色沿江來小舟留人十日雨洗耳百花洲祖遜鞭
方着張良箸欲籌吾廬吾自愛霜菊晚香幽

偕愚隱長老重過玉山草堂次文中韻

中秋醉眠金粟堆重陽又捧菊花杯欲從南郭隱几臥爲約
北山禪老來松下低頭拜奇石竹邊隨意坐蒼苔林風礪月
足佳趣安知世有黃金臺

簡嘉興天甯寺西白長老

五月中旬領報書客來兼得問何如天花亂雨袈裟地祗樹

龜巢菜卷二

三

重栽瓦礫墟風月三生情分在烟波百里信音疎高秋且喜
吳田熟說法開堂響木魚

玉山席上分韻得對字

勞生紛如蟻出没茲大塊達人獨超然逍遙物之外秋高天
氣清喜此良燕會蹇子顛顛容亦忝支許輩黃花有佳色青
山若賓對飲者醉如泥不飲亦慶快卓彼浮屠師入俗無望
礙笑指空中雲非觸亦非背絕倒草堂翁東壁珊瑚碎

挽華亭呂輔之

諱良佐人號橫溪居士

屢卻徵車不赴官黃金多用恤饑寒銘槐西墅雲林屋釣竹
前溪雪浪灘王烈能平鄉里訟龐公獨遺子孫安只今海內

文章伯多憶賓筵禮數寬

寄郭義仲

霜骨稜稜七尺軀昂然獨雀晚羣雛門前問字人攜酒舶上
求詩客送珠山色隔溪雲縹緲梅花透屋雪模糊別來歲晚
遙相憶愁絕荒江夜月孤

題玉山移舟月夜過客舍忽聞側室之訃卽留別一詩

而去別後和韻以訂重來之約

畫舫月下過江村客舍荒涼笑語溫忽報綠珠飛墮地輕如
玉斗碎鴻門蘭臺久約行雲夢蒿里聊傾酌月樽攜客東橋
重問竹柴門當爲掃苔痕

龜巢彙卷三

三

代簡牛彥伊

客來爲報平安信知在長洲茂苑間借榻眠雲僧舍靜舉杯
邀月客窗寒無家且喜身長健玩世何妨髮已班三度梅花
曾寄否思君長倚馬鞍山

題王景逸所藏瘦馬圖

將軍百戰自封侯老病誰憐玉腕騮皮肉瘦來渾見骨精神
減盡只垂頭長鳴落日青山下獨立西風白草秋猶勝駱駝
三萬匹都隨戰士死炎州

寄張彥復

蘭省歸來日未斜閉門塵靜似山家教兒楷字瞻詩藁遺客

生綃寫墨花
太伯祠前人走馬
姑蘇城上樹栖鴉
知君觸處多懷古
忍聽吳趨唱小娃

和馬吉卿韻寄開天啟長老

西望天峯百餘里
高僧何日共游居
談禪丈室揮松麈
步屨長廊聽木魚
萬壑秋聲饑虎嘯
一池雲氣老龍嘘
更尋香徑靈岩去
與子聊乘下澤車

贈馬吉卿

太尉初開藩府日
我卿長揖與談兵
快鞭自此宜先着
偉器如何竟晚成
舊菊數株荒老圃
寒流一帶繞孤城
草廬只在齊門裏
堪咲無人識孔明

山人家爲路以道作

先生自是青雲人
歸來故山鉏白雲
家徒四壁藤蘿屋
頭戴一幅逍遙巾
松根茯苓大如斗
木柄長鏡常在手
賸收柿葉教兒書
更摘松花釀春酒
題詩滿屋酒滿缸
客來無日不陶然
人間豺虎自鬪死
雲中雞犬多成仙
山人家住山林好
日晏眠無事
腦咲他東望玉門關
絕域思歸嘆年老

過牛彥伊寓所對雪口占

聞訊蛟龍浦來尋
鷗鷺盟天風寒
鴈羸冰雪歲崢嶸
平旦徐起清樽細細傾
獨憐卿國遠西望若爲情

龜巢藁卷之二終

